

錦
美
盧
氏
六
百

號
長
字

卷十六

行傳
體字
行止





光祿大夫越國公傳

越公諱琰字文炳家世汴人玉川子全之裔大父鷄仕梁上卿
父清越州令越公仕後周厯官都點檢工部尚書開國大將軍
嘗有功伐紀勒旂常樹碑太廟世宗讚曰璠瑜其溫冰雪其清
學之已粹行之已精執筆橫經陟降大庭赤誠輔弼四海奠寧
又贊其像謂媲美伊周其勳德概可見矣當藝祖皇帝代周受
禪越公以勳舊義不臣宋乃抱其皇子柴炯避地於吳越之臨
安藝祖素里公才節特封爲越國公遂其高志方公入臨安以
吳越未入版圖也迨建隆壬戌遷故主鄭王於房州公懼又自
臨安而遠徙永康之靈山始諱炯以女又俾易姓名曰盧璿次
公子爲九興國成質吳越王納土湖南平乃徵兵亂子珪爲湖
南宣慰使次璞安撫使諸子直隸仕籍璿至太宗亦徵入爲防

禦使封武烈侯時有八龍九龍之號諸孫數十皆英特俊邁多
躋膺仕蓋公之忠智與茹首陽之微有趙氏之孤者同其歛德
避難則又鑒韓氏之慘蹈薛方之遜而善藏其用也夫爲周之
忠臣者不能不爲宋之頑民自潔其身而不令子孫之不化是
皆其德之不顯無得而稱者爾公以全德始終伊昌且熾壽臻
期頤猗歎休哉

大宋少保樓定國撰

千世二府君西山居士傳

公諱宣字和夫別號西山居士周工部尚書琰十四世孫也家世永康之靈山高太父宗的徙石馬居焉曾大父庾登進士第歷官學士宣和中死於國難大父汝猷補邑庠生父特立學行文章爲士林所推重壽逾九旬勅授廸功郎伯兄宏登慶元進士仲兄寔叔兄案公若季少穎悟善記日誦百千言聚書層閣百家史子醫藥種樹之書靡所不窺測有叩之者若懸河倒峽順流而東注乃父進之曰汝所不足者非博也第博而寡要耳吳寧義塾多致名師友盍衷焉遂挾奚囊裹餼糧而往橫城賈塾路西陳塾長衢郭塾遍訪而求之大相訂證發明悟博約宗旨然後知嚮所漁獵者皆柏燼也居久之依之不能去嘆曰處仁廼智何獨不然適有狹狐首而來者語驩甚相與陟巍山眺

東白踰鳥竹而北由石嶺而南次小嶺陳家村夜夢一神人曰
龍從此卸下山如獅水如錦卽爾居也覺而怪之早起循山脊
出蟠溪有山兀立狀若蹲獅然隨勢而降約四五里許水繞而
勢融結詢其名是爲錦溪兩人拍手曰有是哉神告我矣更睨
而叩卜者卦得觀之否觀國之光利用賓於王吉遂挈其家徙
焉無何伯兄徙白竹仲兄徙雅溪叔兄徙安溪與公析而爲四
錦溪之有盧氏則自公始也公以慶元己未二月十五生咸淳
丙寅十月十五日卒配傅氏合葬西山之原子三人元吉元昌
元迪頭角嶄然駸匕有興起勢識者謂公積學之報而卜吉之
符亶其然矣贊曰恒情不輕去其鄉重遷也遷矣而熙匕利來
攘匕利往於擇里何知焉公博學親仁胥宇迪吉則人事臧而
神謀協也家用昌國用光此其先兆矣 古綢處士王柏撰


宋故進士武訓郎惠庵先生傳

先生諱元吉字伯裳別號惠庵性敏慧慷慨有大志貌豐偉修長力舉百鈞神色不變善騎射疾馳引滿發矢必破的笑語父曰吉試當一陣接戰匈奴中取河北猶反掌耳父曰不然李將軍廣善射名天下數亡北失侯射一人敵不足學何如習古兵法乎迺取太公六韜黃石公三略司馬尉繚孫吳左史古名將兵陣法一一研之寶祐丙辰歲對策右科灑匕數千言悉中欵綮上覽曰何物神奇乃爾度非誇而無當者其舉進士高等

授承節郎武岡軍新寧尉勅元吉爾以文武通材擢魏科

效於卽戎用試爾能崇爵往勤厥職尚有殊恩其尉新寧也
事郎方集諸生曳襟裾緩步徐行縱譚性命公按劍起曰當今中州陸沉乘輿播越正臣子枕戈衽甲義不共戴天之日豈高

談性命時耶言訖髮上指冠目眦盡裂涕淚交橫幕下士相飲
泣莫能仰視咸願爲尉用命者人之所司知其賢累疏薦辟未
及用會宮車宴駕青宮定鼎覃恩中外復降勅爾等無大小文
武臣僚皆我先朝官使之舊也因茲霈澤敘階其以爾承節郎
元吉特進武訓勿謂例得而忘懋勉欽哉此牒公拜恩感激上
恢復機宜凡十二疎執政忌之留不報嘆曰夫有干將之劍匣
而藏之示不用矣人淹辱且至遂乞骸骨歸過烏傷謁留守宗
公澤塚瞻拜移時低回不能去復爲文弔之其略曰嗟古稠兮
偉士返曦駕兮虞淵擣穹廬兮指顧拔名將兮囊鞬俄營中兮
星殞柰渡河兮不前灑英雄兮襟淚徒取次兮相憐自是家居
闢一室危坐竟日足跡不窺園圃所著有名將列傳兵法元機
八陣圖演共二十卷兵燹不傳論曰世未嘗無真才也顧惟其




遇耳遇則豐沛諸臣依日月而位王侯者接軫不則磊落如李
將軍而封侯不能自致伯裳之阨於郎殆是故也然其八陣圖
演變化侔鬼神深得武侯秘訣而亦燬不傳惜哉嗚呼惟秘戒
泄燬若或使之已

肯

元大德庚子菊月

潼塘趙若恢撰



旌義閣齋盧公傳

啓二十一

浙東義民啓二十府君字惟錦生而瑰瑋甫齠齡風鑑者見其
目廣眉掀容止豐隆團圞如滿月深異之合舉趾足高步闊儼
有凌霄氣象曰此子不作凡品論必後來豪雋比弱冠有才能
不敢自秘鄉人築水堰嘗累月不就公挺身督理率作惟勤恩
威並用衆赴功恐後未浹旬告竣是時輿情罔不讐服矣邑輸
運石頭城衆以才推公公蹶然起道遇駿出金市之抵長安馳
騁街衢中貴艷其馬接以禮文如舊相識公卽以馬贈倍酌其
值公固卻之彼寘金於道揮鞭而去乃令圉人拾之後南旋居
梓里間一聞義舉踴躍爭先若造輿梁助婚聘輯譜聯宗植僵
扶弱養生送死之厚誼接賢禮士之殷懷未易更僕數柱下史
所謂修之於鄉其德彌長者非耶顧大丈夫有志四方區區如

馬少游稱善鄉黨猶強弩末也觀范希文爲諸生時卽以天下爲己任凡可以培國家元氣造生靈福命者不敵以重任辭故其財物爲天下用天下不爲財物困操此意以相士非郭代公之亞莫能爲而公庶幾追配乎前人正統二年郡文廟燬藩憲王公募金重建而應之終難其人公出貲締造翼匕巍巍若魯靈光是時邑中譙樓適圯縣令謂公曰郡公而邑私公於邑又何如公曰是不難土木經責任諸我奚不可始事於夏之初迄冬杪棟宇一新至歲庚申河南大祲輸粟二千石以備賑卹民間之軒鬯起舞第鴻嗽滿野朝不及夕奈何復運糧作黍載諸道路以餉行人一時全活者甚衆天子褒其義降敕勞之表旌門第樹之風聲越九載括寇陸梁軍師捨攘躬賫白金數百犒士轅門大吏奏聞錫之冠帶前元史頒行天下宋潛溪手定以


還復議纂修時北虜未平軍需蝟集苦於資費浩繁公獨輸金
付梓板籍鐫成以是措紳重於朝月旦高於里士大夫頌德揚
芬詩章滿帙已駸也乎振五府聲華矣初公之生也當洪武歲
丁丑母石氏乘小軒過駱家溪畔見蜃龍屈蟠愕然驚妊至家
數月而媿人謂公之生鍾靈異若鼉江竒氣鍾於杜羅二公者
然用能轟也烈也大有建樹於當世究之祥異猶後也而相以
風度又次之溯公之烈祖越國公全忠義於託孤惠庵公奮義
勇於破敵公紹聞衣德非出爲名臣卽處爲豪雋想太史載筆
而書垂爲風憲百世下覽遺文者有不仰其義行播誦芬芳也
哉於是乎敘陳之以傳諸後

峇

景泰壬申季秋吉日

賜進士通議大夫北京刑部右侍郎

殷時薛希璉撰



處士孟直公傳

仁廿六

君姓盧名忠政字孟直別號仁齋其先出漢燕王綰中郎將植周越國公琰後自汴至臨安徙靈山再遷治北之錦溪顯仕蟬聯聞人迭出素稱古族云至

國朝曰良王者更授河南汝寧府同知軍政嚴肅上下畏懷厥考金樂羨林泉泥塗青紫以逸民稱焉至孟直纘承芳躅益張而大之天性端謹識量宏深壯年陳退賊之策四境賴之作事有方克循矩矱治家生植無巨細務極周詳一言一動不草率輕易好學能文書札辭章援筆立就出入典故莫窺其涯接鄉黨以禮讓絕無惰慢容其出而應萬石長也科賦歛惟謹下不剝民脂上不緩國課大小稱平嘗督部儲往復修程歷風霜犯危險綽有功勞毫無施伐意事親善養志出告入面聲色無違處

諸弟友愛惟篤教子必嚴必恪庭訓諄匕衆戴爲族長諸子弟
有違祖訓者必召至公庭以禮法責之反復開導竟夕不命退
待其悔悟袒肉謝罪而遣之遇冠婚喪祭必夙戒沐豐儉隨時
斲合古禮宗譜曠修幾散佚不可補嘗倡議敦延宿儒嗣續有
光歟配陳氏有賢行共享眉壽生三子曰屏曰康曰庠一女適
杜孟光內外濟匕無忝所生今孟直以醇固之稀齡樂觀其盛
且德劭行端爲鄉高士宜著傳以垂來禩爲之贊曰其德孔淳
其行孔彰弗慕軒冕晦跡韜光處事有法治家有方庭訓嚴肅
嗣人克臧德壽彌高嘯傲徜徉噫斯人也展邑之良

皆

宏治四年辛亥

鄉貢進士華溪吳璘著

盧君孟良公傳

仁三十七


人生覆載間有善足爲世勸德足爲世尚者皆得表之以信今而傳後東陽孟良氏其德善足表焉君名忠賢行三十七孟良其字也厥祖良瑀考尚金俱懷竒負異澹聲利厭紛華韜晦考槃浮雲富貴一以修德行善化導閭里爲兢匕者母金氏兄弟四人君居次氣和質敏幼事詩書長棄去督理田業樹畜靜以修身恬以養性不縱放於禮法日檢束於規矩奉二親養志不違事長上敬謹無忽處事接人必誠必信纖毫虛假不留於心勤儉居室貲產漸殷而自私自利瘠人肥己之念刊落若遺且積而能散富而好禮饑寒多貸其門賢雋不虛其席日惟課子詩書餉農畎畝吟風弄月嘯傲煙霞以自娛故人有因其善而化之感其德而懷之者扶世立教於鄉邦洵有裨焉此而可泯

混乎謹按實而表之以示傳信配韋氏克修婦道生子三日廢
曰厥曰庾皆讀書有道理無忝所生女一適王福贊曰以仁為
居以義為戶樂隱考槃受天之祐神游鴻濛名躋巢許噫斯人
也非今而古

昔

宏治四年歲在辛亥

桂沼識



仁四十二處士傳

盧君名寶字孟嵩行仁四十二系出齊太公後周世宗朝曰琰者爲殿前都點檢及周禪宋隱居靈山十四世孫曰宣者徙錦溪簪纓弗替代有顯人

國朝有曰良玉授奉政大夫河南汝寧府同知者其伯祖也祖富父碧晦跡林泉禠躬砥行表著當時母胡氏舉子三人君處幼少而敏記誦詩書綽有頭緒與人諷論條理斷制鑿匕腴聞善若殖幹理有方宏恢先緒費甲於鄉然不以富驕人不以勢凌人惟好賢下士恤匱憐癯途有餓殍施棺以歛之宗黨中有不給而來貸者輒與之無難色任其來償不爲較其有婚喪不舉者一經耳目則無俟其來告而亟往助之處兄弟愉匕怡匕友愛之風老而愈篤接族中子姓雖幼少必以禮歲時烝嘗必誠

必腆祭之時肅然而懼竦然而承儼若有臨之者且善訓迪廣
延名師啓迪子姓束脯之資雖多不計每歲必除葷三月以爲
延壽謀嘗曰肥鮮甘脆爛腸之媒矧上帝好生奈何犯之其自
甘澹薄葆育天和有如此厥配任氏無非無儀克勤克儉盡內
助之道生一子曰悌謹承庭訓善繼善述一女適華溪虞達夫
孫五人曰榮曰樺曰揆曰懋曰標皆有令質他日殆能踵芳躅
而光大其門閭者繫以贊曰氣清而淳貌古而確言溫而和行
純而樸輕而祿位惟道德是恪淡而聲華惟仁義是樂恩統乎
惠周貧恤匱而芳譽之濯七孝兼乎友愛人接物而敬誠之榮
榮噫若君者雖不獲掉鞅於文囿而爲國之著龜誠足以繼先
哲而鑒後覺者歟 崑

宏治四年菊月之吉

五雲周 南拜撰

盧君孟揚傳

卷六十五

人生顯晦不同其致行則一達而顯駿烈者固足流芳隱而樹高標者亦足永譽故曰有譽於前必彰信於後彼嚴陵之高節汝穎之清修至今灼人耳目豈以顯晦論哉若盧君孟揚幾矣君名德字孟揚素以積善尚義相承正統壬戌歲大饑厥考尚文出粟二千石賑貸貧乏

天子旌其門

勅爲義民勞以羊酒越己巳復出白金數百犒勞軍士大中丞上其事旋錫以冠帶復其差徭兄孟和繫土木之變景泰中更輸粟餉邊授散官七品義聞昭灼萃於一門孟揚繼起克振家聲生九歲卽孤藉母氏葉撫育長成狀貌魁梧天性穎達研書史知變通堅志卓立不事華靡初卜居嚴庄精舍經水患再三喟

然曰此非吾燕居地也夫錦溪先人發跡處盍返焉爰拓址建
廈屋堂構一新善樹畜鑿池灌園滋息蕃庶土田磽确者必沃
而培之漸成膏腴成化間歲復告饑出白金數十錠以濟貧乏
郡憲劉公上其義欲聞於朝君力辭曰有餘補不足理則然矣
奚表爲有欲薦之仕者則又辭曰某有田足供賓祭有屋足蔽
風雨作息耕鑿帝力其忘惟孝友于兄弟是亦爲政何必朝叩
秦關暮投燕壁而欣戚於趙孟之富貴哉易蠱之上九不事王
侯高尚其志君泥塗軒冕鉗鐵印綬陶匕然寄傲於煙霞泉石
間以養其高試與嚴陵諸子方軌而並馳亦不多讓矣配吳氏
德性柔嘉婉婉慈順主中饋執蘋蘩克盡婦道生四子曰備曰
儲曰侃曰份皆克承庭訓無忝所生其刑于式穀之化抑又不
可誣者爲著孟揚傳而贊之曰儀容豐偉質性剛方秋霜凜乎


氣宇春風入其肝腸道行閭里而等公侯於蟻蠓政布家庭而
薄功名於糝糠植仁義以爲基居孝友以爲鄉噫彼待漏更寒
者孰若公之安康也耶

慈水葉 睦拜撰

春風吹綠柳
燕子剪輕盈
柳絮飛如雪
燕子剪如輕

春風吹綠柳
燕子剪輕盈

春風吹綠柳
燕子剪輕盈



處士孟寬傳

仁六十六

士有一善一德足爲世標者旣無可湮沒於當時卽可以垂法於後人若盧君孟寬者其德其善顧不足法歟君名恢孟寬其字也世居東陽之錦溪裔出周榮祿大夫工部尚書琰之後奕世以清白相承衣冠相接至

國朝大父曰良玉者識真主於捨攘中國命統一後

詔授河南汝寧府同知政肅民懷久而致仕考尚聲齟齬見肯賴母安人張鬻簪珥延師訓迪賦性敏慧就學進修循匕有緒咸以大就斬之而家務倥傯其學業隨棄去擔當門戶建業拓基先人之緒賴以有光念考弗終養每言及悲號不已遇忌日必潔粢盛就位而泣如袒括時孝思之誠愀然可掬家居事長上敬處兄弟愉州閭相慶謂當於古人中求之或謂孟寬高尚

不慕仕進輒謝曰非不慕也得之有命或譽其與物無忤者輒謝曰吾以安吾生存吾性耳或譽其善與人交者則又謝曰吾不能欺罔故金蘭無失好耳又或教爲假詐之辭者兩頰輒發赤竟不能啓一齒謙恭樂易對家人稚子不異也遇人有急難力爲周之鄉鄰有爭競片言折之莫不懼服篤於教子必延名師課讀間自諷誦講究以分其勞非義不言未嘗一語及邪曲且曰丈夫學聖賢之學志聖賢之志惟不以死生禍福爲意斯不負所學耳君子以爲然且能尊祖敬宗倡議請碩儒續修譜系費用之煩略不爲吝族衆義之厥配金氏素嫻姆訓勤女工無非無儀高朗而不傷乎刻嚴恪而不害於和事舅姑婉而孝相夫子順而合綜內政井然有條而不紊誠女中一丈夫也生二子曰什曰使苦訓力學駸匕有成天所以報孟寬之德善而

張大其門楣者不有人哉予與孟寬爲道義交素履獨悉故著
爲傳而并繫以贊曰金玉之姿松柏之質飭爾躬也春陽其煦
秋霜其厲正爾容也侃匕恂匕規矩是循氣之冲也行修於身
譽著乎人道之充也孝友於家敦厚於倫名之隆也樹植維躬
幹理維勤家之豐也不榮以祿惟裕於福德之鍾也若公者不
洵可以爲法於後式俗維風歟

峕

宏治庚戌年

桂錦撰

盧君孟峻傳 仁七十七

列傳記晉人風度多放情於山水托興於詩酒其胸次超然塵外不知天地復有何物也至今讀其書想見其人以余耳目所覩記若東陽錦溪盧君蓋庶幾焉君名忠高字孟峻行仁七十七系出宋榮祿大夫工部尚書琰之後十四世孫曰宣者始自靈山石馬遊學茲土因家焉厥祖曰良瑀父曰尚銅俱逸不仕孟峻嗣其後甫齠齡而孤其長兄午峯主人諱忠聯者友愛彌隆撫之成立世際昇平家貲富盛優游化日春臺玉燭中其於勢利恬如也家居以孝弟爲先事二兄和氣藹然已而相繼淪沒孟峻乃以煢然子立之軀當內外紛紜之務孝事吳母養志不違撫諸子不啻己出配隴西李氏生一子曰玘歲延名師訓飭以圖紹述暇則與知己徜徉山水笑傲盤桓吟咏適興共酌

壺觴觥籌交錯有飲輒醉寵辱都忘飄匕然胸之灑落儼乎不
翳之天無塵之宇綽有晉人風視彼流連宦轍汨沒利途老朽
而不知止者奚啻霄壤為著傳而并繫以贊曰而性冲澹其養
素而行高潔其德富鴻毛勢利而弗慕土苴功名而弗顧游心
書史蹈先民之義路放情詩酒有晉人之風度噫嘻孟峻殆令
人仰高風而垂永譽者歟

峕

宏治庚戌年

張端著

盧君廷輝傳 賢十八

君名傳字廷輝行賢十八姓盧氏出宋尚書琰之後世居錦溪以詩禮相承德義相繼曾伯祖曰良玉在

國初授奉政大夫同知汝寧府事曾祖曰良器飽飫道德不羨顯榮祖尚文志量宏恢富雄於郡嘗輸粟輸金授義民

勅而膺冠帶之榮考忠協字孟和憫時念亂復輸粟餉邊授七品散秩至廷輝克承厥緒好義舉無忝前人其稟賦溫克純良坦夸平恕町畦畛域一洗而空之終其身與物無競鼠牙雀角弗涉其躬家居無他營惟兢七子職事考及母安人杜氏養志承懽罔所違忤夜侍寢必二鼓而退鷄鳴具櫛沐問安榻前雖祁寒暑雨褻服未嘗宴見處事必稟命而行待諸弟怡匕用恩接鄉人欵匕有禮重門洞開絕無邪曲人人以是諒其隱服其公

負詘求伸者羣赴愬於前然不獨處事平明出其餘克周庶物
 目所嘗覩者雖百王之末能察其理噫蓋亦奇矣配郭氏勤儉
 孝敬無忝母儀生四子瑋璠璣璵皆倜儻有為克承庭訓書曰
 刑于寡妻又曰教誨爾子式穀似之君之謂也為著傳以示後
 人并贊曰性聰而慧質溫而醇禮貌肅匕言動恂匕德行冰玉
 襟度陽春嗣服振匕垂裕其身猗歟廷輝誠無歉乎夔倫者矣

武林沈 宣著

賢十九處士傳

君諱祥字廷綱行賢十九後周殿前都點檢琰之後也始由汴
徙臨安再徙永康宋季卜居茲土子姓蕃衍仕宦相承振七颺
起代不乏人君曾祖良豪祖尚彩考孟德咸恬淡不慕紛華人
僉曰隱君子也昆季五人君居長和氣藹於家庭鄉閭稱爲善
士尤能率諸弟生盡養歿盡哀祭盡敬以孝著聞弟祚早世撫
其孤出入顧復懇七歉七無異己子每延師迎賓禮有隆而無
替且善理家政量入爲出旣勤且儉家道日殷性質實無諂無
驕凡增置產業出納錢穀無不稱其公平里閭中欲爲一善事
興一義舉君必挺身倡義雖多費己資慨然不吝配本里吳氏
善相夫教子生二子曰橋曰桃咸恂七守禮克承庭訓以守家
聲於不替易曰積善之家必餘慶信不誣也爲著傳以垂來

裔云

不替長曰爾善之矣必齊如爾言不

善則


昔者于二子曰爾曰汝知州山守節

正德壬申十月

以其國善難於贊其難然不

易州判官義烏李

信撰



賢廿七府君傳

夫利器在躬伏在草莽者憾不得展錯一吐其胸中皇匕自放於林壑至蔑倫玩世而了不攫情則於世道何賴焉若損齋翁之爲人行斯卓已翁諱滿字廷溢損齋其別號也幼聰俊才器過人勢利聲華毫不畱心日惟好讀書不沾匕口耳展卷諷詠每還而驗之身心一日讀書云孝乎語喟然曰吾今乃知孝友之可以爲政也倫理未敦奈何言政及有味乎西銘復喟然曰吾今益知民吾衆兄弟矣人生世間如白駒過隙光倘其無益於人孰若無生於世家居事二親愛養兼隆引翼備至正德初歲值大饑翁貸粟不取息仍煮粥以食來丐者無何復大饑更倒廩賑之歲凶而不害翁有力焉於是邑大夫高其義旌之曰貽穀翁平日嘗喟然曰積金積書有時而盡何如積德冥匕以

金澤縣志卷之六
為長人計乎逮晚年益廣修善果力懋陰功諸可驅螭獺郵孤
熒培善類者罔所不悉人以爲難焉雅意作人厥孫爲弟子員
復置稔十二畝有奇以佐膏火費俾代接其武者亦代享其入
其爲育才計孔慤已配單氏三子曰單曰單曰桐十二孫寢熾
寢繁有火然泉達勢繇是觀之盧氏之昌未艾也繫之贊曰嗚
呼損齋流俗罕儕不榮軒冕不事恢諧孝友爲政賑貸恤災門
栽五柳手植三槐累仁遺後置稔開來有旌貽穀展也無涯

庠生孫壻徐文奎書

賢四十四處士傳

世人尚虛文而忽實行久矣當頽波流極中而有惇孝尚義者
巋然出焉胡可泯也而無傳也余今深有契于盧君君名悌字
廷堅行賢四十四別號雙泉系出後周工部尚書琰之後始自
汴遷臨安由臨安而永康繇永康而錦溪有曰元吉曰儒者當
宋時科甲聯登大顯似續曾伯祖曰良王者以薦辟授汝寧二
府軍政廓清老而致政曾祖富祖碧志操挺然雅稱有守士父
曰寶修德行仁韜光不仕母任氏有淑德尚齊壽於堂君性孝
友質敏志宏操縱有方略精勤任事剛濟以柔和節以禮身雖
獨立而千百人任其指揮家務無鉅纖綜理罔失助父拓貲產
動以鉅萬計富而能仁遇歲歉嘗作糞粥救途之餓者全活甚
衆寒無覆蓋者施棉衾死無殯葬者施棺木司府檄文勸捐必

金澤縣志卷之八
應計所出率倍他人族無親疎姻無遠近其周濟尤篤歲聘名師課子弟必以義方事二親怡聲下氣婉容愉色隨所欲而敬進就養無方里閉宗戚見其賢且孝益尊禮之有事必咨而裁酌焉其素所取重也宏治辛亥歲大歉邊餉不敷有入粟補官例當路以禮敦請勸助餉首輸粟三百石於官有司勸受職辭曰以下奉上分也有餘補不足義也何以職爲固辭勿受上官賢之奏請義其門禮之賓席配駱氏雖不出閨壺而贊助居多生五子榮樺撥懋標咸俊彥有爲志氣不凡終非池中物也贊曰孝愉以婉澤溥而周韞美林麓邈焉寡儔

峇

宏治辛亥仲冬之吉

鄉貢進士雙溪錢 頴識

南山翁傳 賢百三十二


距邑東北陬十里許盧君廷錫甫家焉君諱朝袍別號南山系出越國公琰後性慧而貌莊雅好古圖書逖覽遐稽雖至夜分不知倦奉二親愉匕如處昆季怡匕如嘗過邑里見聚族人而禴者歔歔嘆曰夫獨非人後乎吾先人不憚斬荆棘蒙霜露以闢此宇子孫世匕藉其庇而先靈渙散棲草野以何依吾不忍爰倡義鳩工蒸嘗以舉而置祀田輯譜系諸爲奉先計者厥惟懋哉沿河之畝水溢嘗汨沒民苦於賠稅邑有荒山一
國家以不盡之利予窮民者而豪右私禁民苦於樵爨則又爲歔歔曰畝漂而稅在上負下也山公而禁私下負上也吾不忍爰策駛歔盍白之當路畝籍一清芻蕘如故公歿之年迨今五十餘歲而孝友著庭闈義聲著鄉黨洵有不可磨者在矣論曰八

有言生無裨於世是為虛生然一命而上位愈隆者施彌宏試
責諸戴巖負壑之夫斯已難矣翁草茅士也而篤天彝振民隱
方是之時廟用禴籍用清而樵歌載道者繫誰之力噫如翁者
可謂心公而慮遠矣

峇

萬厯歲次辛丑仲春下澣之吉

木香博士養吾李文素書



賢百六十四府君傳

孔子曰斯民也三代之所以直道而行也逮德下衰而依阿澆
忍突梯滑稽之風熾於是人諾人趨吾喪吾故直道寥々所從
來久盧君廷端其有古風烈焉君諱紳別號元松三宜公四世
孫仁七十一府君第三子也性孝友忠誠嚴取予重然諾巍譚
詭色不形口頰間宗族鄉閭相引以爲重諸有事難平忿難釋
口難言者咸質成於君君受托輒毅然任某低某昂若持衡以
較不爽錙銖積讎深懟對壘方嚴君從旁解之導窾批卻譟然
而理解矣骨肉隱微孤煢哀慄有喟々難於自鳴者君亟通其
隱無鬱而不獲暢之情或有詢府君者曰吾與子並族也而人
子敬並言也而人子庸並行也而人子誠子何修致然君哂曰
吾處事何能過人第吾有三無枉耳錢神暗投染指於鼎利介


金溪先生集卷之六
智昏命曰賂枉貴倨當前寬博在後損下益高命曰勢枉聚斂
成雷羽翮飛肉同聲而和命曰聽枉吾不以半文欺四知三卿
忽子窶衆口鑠一金故我不欺人併不欺心直躬而行是之取
耳蓋終其身無枉言亦無懾色雖在拂逆中處之怡然暇拉從
兄南山翁握手林泉投情杯酌間其於勢利澹如也延師課子
動以古先民爲程嘗曰文辭特枝葉耳終其身槐棘弗聽牀第
弗娛綺錯弗御惟日督臧獲易田疇無怠故不事他營而所創
業倍於前人配蔣氏合葬駱家山迄今過之者咸歛歎曰此
三代遺民也惜哉墓木拱矣其見慕於人乚如此爲之贊曰猗
歟元松古之遺直若砥之平如矢斯棘閱鬪朋與訛言羅織藉
公片言燎原焰息不爲利疚不爲威惕信心而行弱扶強抑一
子五孫足昭先德

崧

嘉靖丙寅一陽月穀旦

鄉進士東望趙祖為拜撰





承五十三府君傳

嗚呼余忍不傳國顯耶國顯余姊夫也憶弱冠時數過余舍予左右之依匕不能去國顯從容詔予曰業精於勤荒於嬉百藝猶然矧士平舅也材胡不埋首芸窗取汗牛充棟之積深游其奧窔而沾匕交賓主歡耶予感悟下帷治經姊夫言益力無何登賢書上公車膺民社擢柱下諸嫺朋以勢利交以諂諛進者不乏姊夫獨勉予以正纖毫不當輒讜言排之予用益兢兢守職無隕越於躬俎夫之力居多若其砥躬礪行尊祖敬宗事尤足多焉平生爲人以孝悌爲六閑事兩親承懽膝下有甘旨必先致之未食不敢嘗接予姊相敬如賓絕無比昵態御下整而肅嚴而有恩一嘖笑凜不少假至於推赤察情軫恤其饑寒而及時拊循不啻家人父子也與族人處言談疊匕每以綱常爲

重尤嚴於婚匹有配非其偶者必舉典而面折之不貸先祠再
經煇惑燬不及葺者垂數十載公偕叔朝袍等倡義首營廟貌
鼎新烝嘗藉以不匱歲祀未充仍割田佐之子二人曰汝鍾汝
鈴汝鎬課以義方咸斤匕庭訓鍾任六安州巡檢有能聲鈴太
學生蜚英國子監女一適太園吳釗亦稱佳婿焉後可知己夫
勢利之薰灼也其入人膏肓哉錐刀之末人共爭之爰也在前
疇不欣焉炙手者公土苴視利萍梗遺榮如不穀之叨一第也
諛言方日至獨投之藥石願以苦易甘而且篤尊親明恩義詎
可以流俗中人同類而稱之耶予解組歸田方資以攝威儀匡
德業而俄捐館舍惜哉嗟也易盡者身不朽者名國顯之名不
與身俱敝審矣

嘉靖乙未年春月

賜進士山西道御史

虞守隨拜撰

系六十八府君醉翁傳

處士諱璵字國堅醉翁其別號也系出齊太公望宋越國公瑛
之後曾大父尚文出粟賑饑大父忠協輸金助餉兩世義聞昭
昭入 展瑣 天子交旌之考朝傅生處士處士居季性豁達
寬洪與物無競庭闈骨肉藹匕融匕肩鑰釜庾出入不爲較生
平好讀書族子弟貧而失學者爲設醇醴治蔬肴延師開塾進
而訓迪之如是者歷年無厭性善飲不治他技日拉諸姻舊懽
呼杯酌間得喪枯榮夸險震撼可驚可愕之事遞交于眉睫了
不攖情嘗爲賦以自嘲曰凡人有機械者必有機事有機事者
必有機心機心戰於中則純白不備道斯不存焉吾朝而櫛沐
金樽浮醪南畝西疇奚課奚督晡而捧觴交錯華堂薰風一榻
如侶羲皇日之夕矣惟女依倚是觥是酌萬營俱已方是時也

金溪縣志卷之六
三
宇宙不知其寥廓日星不知其晦冥予方左駕白右騰伶頌酒
德摘酒星乘驄攬轡共遊乎華胥之庭彼玃匕螫匕者庸擾吾
之惺匕傲高標於六一乃以翁而自名可乎不可其異有局是
用頽然而醉恍然而醒既無世累亦無人非業彌恢而衆彌戴
人見其然而不知其所以然良有以也配任氏合塋觀音塘山
之原育一子曰汝揚孫男存民孫女聰皆在襁褓論曰神禹之
疏儀狄也詎不以酒之流禍足亡其家國哉處士日游醉鄉寵
辱不驚田疇愈拓豈沉湎麩蘖者流耶殆有托而迹故以醉翁
自命耶嗟匕東晉風流不減高致處士幾晉人哉蔑可及已

昔

嘉靖甲子春王正月吉旦

賜進士知江西南昌府事

眷生芝山陸九成撰

系七十三府君暨孺人杜氏合傳

夫刑于贊助兩者可偏廢哉是以肅雍貞靜合德以成能當其
居恒無事冀饁梁案千古爲昭也不然而楊喬氏之義共伯姜
之節始有以質神明而貫金石以予覩處士內外足多焉處士
諱如樺字國節廷堅公之仲子余姊氏特也質敏好學讀書知
大義獨不喜爲博士家言先君子嘗趣余督之對曰虞夏商周
曾有此學問乎雕虫小技壯夫不爲某所習者知有三綱五常
耳家居出入惟孝悌是惇繼姊氏于歸亦惟二南之什日置房
中食息起居肅矣嚴賓之宿接燕昵不形匪僻不道披閱古今
見孝友忠節亭匕物表者輒擊節歎賞予載以上人若遇之日
暮且爲予姊三復之姊氏性夙慧亦津匕味其言更索劉向氏
列女諸書有關風化者悉渥聞之兩人心相許然相期在白首

耳一朝處士疾姊氏侍湯藥醫禱萬方疾浸革啓手足嘆曰肉
脫盡矣可復活乎還囑余姊曰吾與若相期偕老不虞中道隔
幽明也若能則守不能更適人耳姊嚙指出血誓曰吾勵志在
柏舟之二章矣且膝下藐諸孤齠齡而孩提者幾七安屬哉無
何遂屬續姊氏持常衣升屋脊招之不復踴躅悲號絕而復甦
者再旣而嘆曰吾不難以一死謝亡人也顧子女之托非我其
誰遂節哀強食拊摩諸子延師訓迪勤劬朝夕躬麻績治蠶桑
督僕從力田樹藝家益饒裕然不能須臾忘處士也遇諱辰必
痛哭流涕潔祭品躬奠數十年如一日臺諫秦公鰲顏其堂曰
節義蓋人人多予姐之節而復多處士之刑家有素不誣也贊
曰猶歎處士有夫有婦夫以善終婦以節赴弱草棲塵屢移我
步我步可移我節難仆冰雪之嚴柏舟之固生撫其孤歿從其


墓有額在堂有碑在路處士刑于詎曰無素

峇


嘉靖三十四年臘月之穀旦

文林郎知昌邑縣事

眷弟十洲杜然撰



25



Blank manuscript page with vertical columns.


永八十二上川先生傳

先生姓盧氏諱如珎字國美別號上川世居東陽之錦溪宋尚書琰之後天性明敏學問該博詩賦有盛唐風業舉子弗偶於時乃以道淑人造就者衆早失怙追慕甚切事母張以孝聞愛同氣老弗析爨孝友之情藹如敬禴祠謹家乘不忘本也始配沈氏生子模而早世人有強其續者先生曰女可再嫁男可再娶乎鰥居四十餘年清風高節凜然也嘉靖戊午十二月十七考終正寢享年七十有八予聞士大夫公論先生之學之行鮮有出其右者恨不得一造門墻以領其至教今以亡矣悲夫

昔

隆慶丁卯仲秋上澣吉日

廣信府訓導義烏駱煥書撰




系一百七十一處士安人沈氏合傳

予山荆係徐女厥母沈氏爲余岳母時佐甫北堂女姪也爲余道厥姑及丈狀頗悉一日時佐謁余曰自古遠到之器乘腰裏以追風立名之士附青雲而爍景予嚴慈棄諸孤有日懿範未有傳懼將湮略焉請以不朽屬吾子予曰嘻聞之稔矣予按處士諱如瑞字國祥祖旭父朝袍世有善狀處士其嫡子孫八齡失恃奉繼母烝匕底豫與物無忤卽橫逆頻臨怡然處之終身不見愠色雅好義舉宗祠燹从力贊父南山翁鼎新之鳩工庀材頗煩營繕祠就而捐館矣孺人慟幾絕願從九泉顧茲皤然纍然者將安托命遂忍死劬勩家難父兄僉弟子員習庭訓通孝經小學寶鑑諸書迨五子日口授之凡事之來動以義處拂於經者以理折之衆爲屈慙處妯娌溫而且惠恫嫜氏之早寡

幾於滅性侍身姑代夫行孝生盡禮歿盡哀祭盡誠翁及虞而孺人之疾遂不起矣諸子供湯藥更衣而前孺人張目呵之曰若念母而忘祖耶其衰經從事所囑語侃匕鑿匕足參女訓播在諸兒口中不具載處士享年四十二孺人五十八五子汝實汝安汝定汝賓汝宰贊曰錦水之側鹿峰之陽君子淑文中外稱良標而合邑歸而執策一悼子孝竊比王祥一堅婦節庶幾共姜年或有嗇德則偕長人寰無忝泉壤有光

肖塘吳公佐識



承一百七十六府君傳

世之砥行立名者恒藉資於附驥有附詎人豪哉傳曰富貴而名湮沒不可勝紀惟侷儻非常者稱焉盧氏方塘翁其度越尋常一等已翁諱如標字國準方塘其別號云大父忠寶父悌家世羸饒翁叨祖父之餘積不難效千金俠少五陵裘馬翩匕以見竒而冲然欲然常有以自下者居恒肅衣冠持恭謹不第奉親敬事長恭雖五尺之童效唯諾於前必正容答禮送之門外策騎修途有避匿叢中及薄馬首而引却者無問識不識輒下騎招之成禮而去歲嘗歉傾因賑饑償不收息歿無以殮者更施棺衾囑佃僕瘞焉鄉鄰有鬪者彼此相爾予勢如飄起翁竭誠批導帖然而冰釋矣課子延師盛供帳厚脯脰大要必誠慤而求智能先器識而後文藝穀抵俳優之觀輕儇彈糾之習弟

玩於前子七人兢匕式於訓長鑿永新簿次鍵三鑊

恩例冠帶四鉦太學生五鏡六銑七鑿咸不愧箕裘一女適東崖虞
公孫德燦稱佳婿焉配泮東徐氏中外合德生榮死哀沒久而
人愈思之翁其亡即抑亡而有不亡者在即用傳之以詔來者
贊曰郊前之郊勢鬱而饒篤生公準身出塵囂威儀抑匕德音
昭匕倉廩賑乏禱榜啞殍批卻導窾敦樸蠲臬不資附驥永舉
迢遙猗歟國準信矣人豪

賜進士亞中大夫雲南布政司使右叅政眷生紹東虞德燦撰

完庵先生傳

永三百二

先生諱如璧字國珍厥號完庵贈文林郎靖安令仁齋公之子也性敏善記誦師事伯兄如庵先生所飾雉羔具同舍郎相頰首下之無何游闕里闕里生復頰首下之督學使者至率置前列指日建旗鼓鞭策中原與伯氏頰頰而數竒不遇識者寃焉先生獨泰然處之無愠色併無愠心遍取百氏書研之晚而益力同胞七人生居叔姪弱冠父遭疾晝侍湯藥跬步不離夜則焚香愿以身代旣屬續哀毀盡禮侍慈二十餘年承顏愛養定省之禮久而匪懈及卒塋之背塊中悉如喪父時事伯兄恭謹如父終其身不敢並行偕坐戲言遽色不見於側也娶予姑姑考權非其罪先生聞難而起多方斬免歲久問遺之使不絕於道所與奩田悉讓還不利錙銖吾鄉迄今義之接宗黨藹乎春

溫有至於家者無論老幼不衣冠不見迎送未嘗不出戶朋舊
往來切磋箴規勤亡懇亡一言之諾堅如金石所謂人要不
忘者非耶自幼迨暮齡與物無競人有善亟爲稱揚人有惡多方
隱匿絕口置不道卽問之若爲不知也者其量洪而德厚學博
而養充行修而倫篤視世之揚己逞能樂道人短蔑孝敬而薄
媼親者不啻天淵矣贊曰猶歟先生夙負雋聲胸羅百氏卓冠
羣英井渫不食爲我心惻篤而父昆憐而姻戚氣和語溫怡亡
間亡樂道人善短若罔聞身居叔季超然罕儷如先生者洵足
風世

峕

萬曆歲次辛丑菊月穀旦

朝義大夫媼姪壽時蔣大用頓首拜撰

遠一百十九處士傳

士君子立身於天地間有一德可鳴世者皆得表之以垂後若
我山翁不可落也無傳也翁諱淮字時遠行一百十九我山其
別號也系出越國公瑗之後大父損齋翁父禪母駱氏昆季四
人翁居三性敏慧志行不凡初入塾端坐如老成舉止不與羣
兒伍長從汝懷俞庠師業經卽了大義諸子傳記罔不貫串蘄
蘄出人頭地無何失怙家政叢興遂棄舉子業而齊家撐戶事
母氏志養無違凡具甘旨必先致之未食不敢嘗常曰堯舜之
道孝悌而已矣爨倫敦而綱紀不紊禽獸何擇焉是以恪守禮度
恂恂愉愉內無間於庭外無愧於里日惟訓子課讀禮聘名儒
雖多費不惜交久而愈敬或橫逆妄加而自反以忠誠人有公
舉來告者則挺身肩之暇則藝花育禽觀天地之盈虛探四時

之消息或採於山或釣於水隨意所適親朋至縱恣僖必以禮
接未嘗敢失之故翁雖棄館而載道之善聲猶一日云某自閩
福謁叅臬兄歸適石交存正甫過訪語及尊翁哽咽不能答叩
之再三云生愧無祿養沒憾無言傳予惟知翁之悉也雖不敏
敢撫其概而傳之配陳氏有婦道厥子三人曰存誠曰存正曰
存修正則與某素交者贊曰嗟七我翁樂易孔臧不爲利疚不
爲勢降家稱孝友鄉稱善良急公趨義課子有方衡門棲止泉
石徜徉嬉戲鼓腹允矣羲皇斯人也於家攸賴於鄉有光

峇

萬曆癸酉孟冬月吉

邑人北川山人金溥撰

西泉盧翁傳

遠二百廿七

翁諱鏞字時英別號西泉處士方塘翁子昆季七人翁居三少
穎悟善記誦甫齠齡治舉子業超七元箸不與羣兒伍舅氏桐
川先生一見竒之曰是爾肺腑出耶凡面試者三益竒之縣試
累高標嘗自塾歸省見家務蝟投叢集頻顛曰二親老矣伯兄
業從仕微我誰宜代勞者遂棄去治家人業悉心幹理貽父宰
居母氏寢疾服勤牀第間凡五旬不解衣帶仍禮斗三年致膺
壽考義急同胞歿弗克成禮者厚衣冠殮之人稱孝友嘖七云
處媼朋戚黨斌七乎質有其文契闊後粹然相逢懽然道故數
十年已往事若探囊以出了無遺忘然正直剛方不爲滄訛俗
態論議稍弗諧面折之無少恕臭味與同卽津七促膝出肺肝
相示遇患難挺身援之赴湯火可也嘉靖甲寅島夸騷境內翁

奉檄率義兵禦之嶺南寇得無犯歲戊午赤地千里道殣相望
爲惻然倒廩枵腹之民取諸翁若寄城且圮東門之役獨力經
營樓櫓崢嶸視他豎最勝文廟欲傾郭令公倡義鼎新翁捐金
若干樂爲輸助其慕義輕財往也如是邑大夫高其義薦之鄉
賓郡刺史訪耆英於八婺僉共推翁周公尚禮廬公琦並以上
賓禮崇之翁固辭不就迨周公著延至三不得已赴焉先後褒
旌榮加冠服之帖數也下第陽應之歸則角巾野服以是適其
適若不知有章冕之爲華者一子應元游成均蜚聲藝苑孫男
三人咸稱象賢器火然泉達美哉始基之矣論曰靈秀之於人
異矣哉嚮余從武林取浪坑道小嶺嶙峋勢峻也南下意靈而
秀者茲山乎詢其地之產則松澗西泉家在焉夫金爲柱下方
書直聲震殿陛翁力仁慕義猶爲國邑光蓋兩雄並興山川增


色其傑而靈耶其靈而傑耶嗚呼仙名龍靈西蜀南陽所相須
舊矣


崑

萬曆乙亥一陽來復之吉

賜進士順天府尹

邑人少薇許宏綱撰





北白山人傳

遠二百六十四

北白山人者名汝賓字時舉其先范陽人靈山之徙錦溪也歷年數百傳世十一書香代相接山人少敏善讀衆稱爲瑚璉器既失怙家政無巨細挈而付之環視諸弟癸匕藐孤遂棄經生技治家人產奉嫠母恤諸孤孝友備至與人交肝膽畢照無纖芥可擬議論一依乎經詆諧滑稽之辯絕口不道聞人笑譚稍涉嬉戲卽引去弗與立諸所饋遺雖錙銖義然後受嘗誦蘓長公無竹令人俗之句喟然曰竹之有無胡能俗人惟腹不飽詩書乃俗耳遇得間手不停披晚歲務閑好彌篤日抱遺編誦聲達里巷凡昧爽而起夜分而寐時與聖賢伍出則佩之肘後若不能瞬息離者家人見而憫曰翁春秋高宜靜攝書能溫飽人耶何自苦乃爾山人輾然曰我心樂此覺山珍海錯弗是甘也

齊統蜀錦弗是華也然竟勞心神視漸昧嘆曰此天所以限我也夫外不入內而內可使出爲立程課背首學庸次齊魯論次孟子七篇又次風雅頌週復循環傳註不落一字對賓朋知己抵掌而談諸史某君明臣良某上庸下佞某歷年長某享祚促某幸成某不幸敗鑿也持評百不爽一二人以山人有印刻云厥配張氏有婦德舉子三人曰曾唯曰曾約曰曾貫服庭訓兢兢詩禮蓋所得於漸磨者深已論曰君子有三戒其衰在得顧彼之得也以金玉此之得也以詩書則清濁之判霄壤之懸哉嗟也浸假山人人生漢武時蒲輪安車徵不旋踵伏勝氏無能耑美於前矣

峇

萬曆壬寅桂月中澣之吉

奉直大夫知微摩州事

姻生葆素金宗煥撰

太學生少塘盧君傳

遠三百廿八

少塘太學生盧君者余仲兄外弟也以雄才遊太學世居東陽
二都錦溪出越國公諱琰者裔至十四世孫諱宣者由靈山徙
居於斯實始祖也大父悌厥考標俱有隱德富甲一邑膺鄉飲
禮捐粟賑恤 恩詔冠帶焉尚義之門表也常存昆季七長永
新簿著縣事諸昆皆克世其業君淳樸恬靜謙恭歛飭嗜學勵
志少嘗從大方伯金松澗公遊公每以遠大期之入邑弟子員
束贄令從常卿林公應訓業既登太學屢試壓南英名噴也掛
人口頰間居久之數上公車報罷主爵者畱次用之一日念親
老憮然曰豈可久離膝下哉杯酒可以娛親斗粟可以同春父
母俱存兄弟無故區區浮名何可奪吾天性之一樂耶遂攜篋
言歸以圖終養性不事華靡胸不立城府不隨俗亦不矯俗柔

不茹剛不吐人皆雅重之族屬服其公正推署祠事雖細務必
謹恪御卑幼若大賓待諸兄如嚴父禮人接物一以忠厚余素
慕其文雅見其氣度優游誠巨族之君子也生嘉靖丁酉年十
二月十九日卒萬曆丁酉十一月廿三日可勝悼哉娶會源蔣
氏嚴肅治家事舅姑處妯娌概以孝敬爲先相夫訓子兩得其
道厥嗣應進謹守家法念譜牒之將成瞿然曰吾父豈可無文
以揚其德因吾猶子曉請于予予曰是諱汝鉦者歟素知其詳
矣余不辭其耄聊援筆以記之授應進梓壽之君字時靜行遠
三百廿八少塘其別號也

崑

萬曆歲在壬寅春三月旣望

賜進士第大中大夫雲南布政司叅政前工科左給事中侍御
經筵官
眷生紹東虞德燭頓首拜撰

遠三百三十八赤崖翁傳

翁諱汝賢字時復別號赤崖系出周尚書琰之後家世永康十
四世孫宣卜居錦溪曾大父松軒公忠昇大父菊庄公朝賡考
東泉公如珀世有令德以詒翁生平誠篤無僞質樸無華舉流
俗失世敗壞佞諛煩囂之習刊落若遺惟是惇敘彝常職業無
曠嘗道浦陽見麟溪鄭氏祠喟然曰夫亦人後耳而廟貌森然
祀事秩然至勒

高皇帝旌方希古公獎夫非克念厥先故耶吾盧氏宗自越國公西
山居士以有今日廟雖建而百凡未備何以報先人地下吾怵
焉慨然任事約歲入爲烝嘗需以贍餘取子母息不數載若几
座諸器漸次具備所置祀田先後凡若干畝或以家務詢則曰
吾後私先公匕不恤而惟私是營縱享有餘贏何益則其誠孝

心斬奉先不斬自利章明哉歲戊子祝融爲祟廳事具燹翁殫力經營鼎新而後已曾祖松軒公厝橫山之麓所遺祀租約計豐歉出入惟謹宗譜不葺者垂數十載復首事合族聯宗輿論帖服配安如蔣氏有婦德舉一子存吉一女適蔣應震孫男五人浸匕有然達勢君子曰難哉處士之奉公也錐刀之末人盡爭之至語以公舉率規避局踣而不欲前處士亦人子耳而意念欣匕嚮往如飭廟市租贍祭葺譜事曷嘗一念及其私圖者此可與營私輩同言而語哉孫子繩匕宜其報矣厥檀某與余爲姻家道翁行甚悉爲傳其梗概云


昔

萬厯癸卯臘月朔旦

眷生太字賈宗正拜撰

遠三百四十一處士傳

處士名汝貴字時道遠三百四十一別號仰松系出工部尚書
越國公琰後家世永康西山居士宜始卜茲土高祖良玉洪武
初同知汝寧軍政整肅吏民懷之曾大父孟登大父朝紳考如
銷一德相承泥塗軒冕處士躡其躅益樹德以紹前修性孝友
事嚴慈溫清昕夕如捧璧臨淵惟恐失墜承顏稍弗懌輒痛自
刻責若無所容遇喪祭一遵家禮昆季五人處士爲家督然不
以長凌少降心相從嘗有以自下者接宗黨和氣藹於陽春橫
逆之來至人所不堪動以理遣莫之較嘗讀范文正之言曰大
丈夫不爲賢相當爲明醫以足施濟也爰取素囊遺經諸名家
方脉研竅玩索造堂而截其瘳間試之人應手而痊百不失一
二貧無力調湯藥者輒施之所賴以全活者甚衆暇拉二三知




己攜壺饁眺山川訪勝竒以寄傲其於勢利澹如也娶駱氏
繼娶徐氏子三人曰應雷曰應震曰應雲斤斤庭訓允稱式穀
焉語有之爭者逆節也孝者順德也施濟陰功也處士去逆効
順積功於冥七之鄉是造物之所與也今雖未顯其身必將食
報於後傳曰天道無親常與善人處士非善人耶天與之矣

皆

萬厯歲在丁未冬月之吉

觀政進士華芝許達道撰



成湖隱君傳

遠三百六十一

隱君諱汝鵬字時冲別號成湖闇齋公五世孫月湖先生家督也質敏好學少偕仲弟時薦甫師事廣齋蒙泉諸公所制科義軒翔豪舉磊砢不伍儕流同社卽相咋舌下之挾筴應試事累上不售遂萍鳧棄去庭事兩尊人定省溫清承顏聚順務適其懽心嘗語人曰人子事親生不能愛敬徒戚也然悲號痛慕於旣逝何哉遇有親疾付之庸醫者隱君以爲不孝手取素囊遺經習之不第供甘脆視膳勤劬而調燮有道親獲以天年終比居喪一遵家禮更學青烏黑囊諸經堪輿家反覆窮究營兆襄事無憾而後卽安厥後求診卜厝者率奉君爲誓蔡有以也然素性恬澹不喜繁囂其於紛華靡麗耳目之好儼巧慧辨突梯之習一不居乎其心日與山翁野叟箕踞琴奕笑傲煙霞把酒

金溪縣志卷之十六
臨風緩頰而道曰人生貴適志耳繁戚也何爲蓋夫春和景媚
卉木敷榮此吾躡屐時也長松茂竹曲澗逶迤此吾解慍時也
江風秋霽嶺雪寒烟此吾問月尋梅時也蓋無時不可樂亦無
乎不樂逮晚年尤力於涵養嘗會法界諸友講姚江之學衍濂
洛之傳神怡心曠造詣益閎深矣君子曰善哉隱君之操履也
世人逐匕焉纏鎖利名弁耄孝弟以登臨爲放曠目理學爲拘
攣沿習成風莫知其敝隱君獨能解名嵌啓孝鑰浴沂風雩尋
濂溯洛以爲歸宿非有超然之識遂然之養者能闢其堂塗哉
厥配徐氏繼王氏俱有內德子一陽孫繼身繼家方力於耕讀
克振家聲僉謂隱君作德之符諒矣


昔

萬曆戊申孟夏吉旦

里姍養吾李文素撰

南華先生小傳 遠三百六十九

江河之趨也天下日尋於勢利宦達子孫往也藉先人餘蔭乘
堅策肥作貴介繁華態試語以孝行鮮不目爲拘孿至文辭抑
敝帚視之矣夫孔門四教文行相先兩者惡可少哉南華先生
諱汝藩嚮接其眉宇未及交懽意其飾節矜容落也不可近歲
乙巳以葺乘至始炙之其貌樸如其氣澀如其視靖安公冢器
闕里諸生澹如也久之交益懽每於月夕花朝柳陰竹徑邀飲
儕輩把酒論心輒念厥先公涕泗橫集公故居官宦績齊家規
模種也足爲範先生口悉之若數一二遺藁贈章頗成帙靡不
舉其辭焉母孺人杜生先生七齡失恃繼趙氏母撫之成立迨
捐養舉三柩合窀任界山原季弟選勝尋徙趙泉坑先生力阻
之不能得每念及又輟盈也淚下以事繼母不逮所生爲憾更



割陳婆地二畝置漏澤園抑其錫類之孝然矣初力博士家言
嗣以祿不逮親遂棄去以舉業屬子景崙暇綜羣籍文以壁經
左國班馬爲宗詩賦以三百篇屈宋晉魏盛唐爲宗餘不置口
頰又嘗於招飲時抵掌談曰文之弊極矣爬獵爲文以逞妖艷
非不炫人目睛比之元氣流行千紅萬紫徧發洛陽名園自是
霄壤故吾文罔以豔心騁之恐遺質罔以詭心出之恐失正罔
以驕心逞之恐浮誇而不根必質有其文言中其理事切其情
乃稱斌七焉及誦厥詩文一一如口中語始信生平不第孝行
修於家而文辭粹精渾樸雅與相當古稱三不朽先生有二焉
雖其天性篤孝慧質靈明使然哉而亦由無勢利習染爰以所
嘗耳目者作小傳傳何能不朽先生先生實堪不朽矣

李文素撰

遠三百七十五慕庵翁傳

公諱汝垣字時勤別號慕庵靖安令如菴先生仲子曾大父松
軒公忠旭大父仁齋公履累世陰功紅朽之積悉推以救貧胥
生考逮公公叨祖父之榮富若亡若虛欲然自視毫不以勢驕
人少聰慧能文齠年就府試刺史陶山李公亟加歎賞以爲麟
角鳳毛有種也督學使者至補邑諸生公旣遊庠序益勵志下
帷左圖右史夕咏朝吟爬羅剔抉不遺餘力所爲制藝翩翩七有
翱翔千仞勢邑大夫侶梅陳公衡庵鄭公肖軒趙公迨司府諸
公累試占高等入棘至再弗及登賢書而志彌堅決一日者以
數告曰以子之才乘龍頭有日所不知者壽耳未五旬忽嬰一
疾玉樓催賦車轍莫能淹矣惜哉惜哉翁才高養粹尤篤於倫
常事厥考如菴翁下氣怡聲溫清視膳護之如拱璧信之如著

金溪縣志卷之六十一
蔡惟命是欽無幾微之拂意厥考有疾舉止失常嘗焚香願天
請以身代比易簣哀毀骨立泣血三年未嘗見齒侍繼母趙有
同鞠我處昆季友愛怡怡宗族鄉黨有高年接於前輒加敬禮
值賓筵饋醕祝哽饁奉几杖惟謹與人必以信片言之要堅於
金石其制行數七然矣厥配杜氏生效唱隨歿堅冰蘖尤女中
之錚七者子二人曰存初曰存慎雅不愧箕裘云贊曰嗟我時
勤文行彬七友而棠棣孝而椿萱片言之諾如石如金隻字之
出爲鳳爲麟金門待我玉樓催君有節者杜江離扈身婦以夫
顯夫以婦馨賢哉兩特歿矣猶存

告


萬曆丁未二月陽月吉旦

中順大夫知興化府事媼生全吾王嘉忠撰

心湖散人自傳

遠三百八十

散人名汝鶚字時薦嚮以南塘號嗣故心湖心湖者何厥考月
湖先生棄諸孤有年雲山極目手澤警心心憶之不能忘而爰
以自號也散人昆季五生居仲七歲入鄉塾十五學文辭偕伯
兄師事蒙泉先生先生甚許可應督學使者試至再不售歎曰
父教師嚴伯仲益相砥礪然竟落七孫山則命也吾奈何不爲
所得爲而強與造物爭衡耶遂棄去家居祇事兩大人與諸昆
季怡乚無稍拂戾意雅懷重宗祠葺家乘迪子姓擇姍朋遇事
不辭險難暇坐靜室中茶一甌香一炷圖書數卷披閱其間興
至或援琴而鼓或矢口而吟或命酒而酌時與二三知己把盞
論心意適情投不覺清歌之自放也歌曰嗟太始之穆乚兮判
低昂於持衡悲世俗之瑣乚兮矯元造以徼榮修辭之子搦管




之英靡不搔首於功名之會濡足於權幸之庭志附鳳氣吞鯨
禹門鼓浪天池起鵬蟠溪無垂釣之叟傅巖下版築之徵爭紆
朱而拖紫競策肥以颺纓銀鞍駿馬映照葱珩散人之服鶉結
是程朱門晨啓鼎食鐘鳴散人之席味無和羹徒懷荃而佩蕙
寂無當乎名稱嗟塵路之嶮險兮怵世網之易攖懸藜之玉潛
處瓏玲或舒其焰隨發其肩爰洲之翠蔚羅罔繩或翔於麓爭
斷其翎是故鸚鵡繫於能言蜩虫羈於善鳴樗以散而免伐匏
以苦而不侵何如辭世之燭匕而返予之冥匕採於山薪可爨
釣於水魚可烹遺書幾篋新釀數樽以歌以咏是爽是醒或問
余以寒燠若過耳之風聲蓋機心乃道心之寇而有意實無意
之癥萬緣無染百慮不膺聊優游以卒歲復奚羨乎三旌衆輶
然而倚和願從予於浮鷗之汀於是散人引年餘十春秋過此

以往俱未之期期杜機以沒齒而已贊曰昔人有言山木自寇
也膏火自煎也欲人不伎莫若無意欲人不疑莫若忘機散人
處世如飄瓦虛舟嘗遇險而卒脫於險則鮮疑忌之徵哉或躋
予於無懷氏之世意其然與意其然與

昔

萬厯丁未仲秋既望

書于修竹茆堂



Blank manuscript page with vertical columns for text.

汝聽孝行傳

遠四百五十六

予弟名汝聽字時聽行遠四百五十六伯父完翁次子也未嘗
學問無所知識而孝友之性由於天啓甫弱冠伯母蔣氏纏於
疾肌消骨立形神枯槁若歲在龍蛇其不食新者僅如毛髮弟
日夜哀痛焚香祝天潛割左股佐食母得延其餘生者十餘禩
里中高其孝欲上之當道伯父曰夫孝不難於一時而難於持
久吾兒雖有此舉未卜其晚何如也阻寢之然而有俶者令終
迄後事我伯父亦不減於事母兄若弟壘簾協響華萼交輝并
食悉力經營無私藏蓄內事統之嫂不生猜忌娶姪媳課姪詩
書其高誼雅德比兄尤如意焉馬援之奉范毓之字薛包之情
庶幾近之矣雖其涉世不無迂遠於事情闊略於細行而微塵
纖暖終無妨於本原予以爲家史等之春秋片善輒蒙褒錄以

若之行恐其久而湮滅不稱也故表而出之以示後世之為人

子為人弟者

書其肯

萬曆三十六年五月下浣吉旦

堂兄時賢撰



靈陽府君孝行傳

承四十三

府君諱存憲字子法別號靈陽婺之東陽人其先世居汴後周
黠檢公琰守箕山之節避地永康之靈山十四世孫西山居士
徙茲居高大父忠德生朝滿朝滿生如檀如檀生汝漳汝漳府
君父也君天性純慤他無所嗜好孩童時依匕親側稍長習句
讀從羣兒社中還亟歸抱其親若不忍斯須釋者弱冠有室家
膝下舉子而孺慕不移

穆宗戊辰歲母徐氏攫疾延醫治之百藥不能效晝夜焚香泣禱
上下神祇請以身代及母歿哀慟幾絕蔬食終喪越二十齡焉

今

皇上戊子父乃捐館哀痛而盡居喪禮者一如母卜吉安厝沙盤山
大地之原結廬居焉或憐而止之曰山野岑寂此鬼鄰狐跡處

也盍返諸府君揮淚答曰憲生也咫尺不離親膝下今逝矣可
委體魄於無人之墟乎竟廬其墓側朝夕上食如生時當寒夜
月黑悲風颼颼如臨鬼域府君了無惴第恐親靈不安輒伏窀
上告曰憲在斯憲在斯凡三年而返父兄鄉黨可謂曰孝而聲
播遐邇矣處士享年六旬有大垂革屬其子繼聖曰塋我必附
先塋庶明我生死不離親意乃瞑迄今二十餘禩行道之人過
者莫不指其廬處而凄風苦雨兔走烏啼隱亡於叢莽間恍若
府君當日攀援松柏洒涕而悲號其上也者始信天理在人愈
人愈灼而惕然於心目間者自不容泯也厥孫守約方治經生
家言將來未可量人謂府君克孝之報不其然歟不其然歟

昔

萬曆乙未仲春吉日

後學中齋吳從周拜撰

承一百五十七處士傳

錦溪有隱君子諱存俊字彥秀闡齋公大世孫也大父如瑤父
汝枝生公伯仲公爲家督好讀書通大義雅善鍾王筆法信手
淋漓百千言無點畫錯善事二親供甘旨勤定省迨暮年而益
篤友厥弟輝聯華萼情急鵲鳩早歲遇不祿收遺孤而字之長
養拊摩不啻己出又和鄰睦族正直坦夸明決通敏迷者求決
可否爭者求斷是非咸稱王彥方復生也然雖才能足騁揮霍
兢匕三尺平生疾言盛氣毫不以加人卽有凌之者若拂耳輕
風入爐點雪纔過卽消不留胸臆嘗進子姓而詔之曰人生處
世如白駒過隙光陰有幾不以完吾真宰吾分而暇與物構鬪
哉吾歷年不少幸無責於人人亦無責焉蓋其慎也彼夫盛鶴
列於麗醮繁徒驥於錙社悻匕而不知止者其亦蠢矣孺子其

聽之純也常也道用是強恂也訥也應世之訣孺子其聽焉於
是諸子式於訓罔或踰越長耶君繼煥業儒雅飭彬也好禮雖
曉蕭曹治術終不與刀筆伍可以卜他日爲良有司也君子以
是多君之能應世而益多其式穀也贊曰戲獻彥秀鄉之領袖
養老恤孤天倫靡疚拓土開疆承先啓後有子克家鴻達甫驟
天之報施從古不謬

昔

萬厯戊申季秋吉旦


賜進士吏科給事中

俞安性拜撰

處士承二百廿六見峰公傳

天下事嘗廢於弛亦蹶於張故重發喪功輕爲取敗兩者交譏然所譏於廢弛謂夫不可已而已也者時當臧疾則何功之喪所譏於弛張謂夫可以已而不已也者時當竭蹶則何敗之虞是以君子不喜事亦不畏事而惟義之歸見峯盧君其於義也審乎君諱存儀字子容別號見峰儀容修偉性度仁慈尤嚮義平情不與儕俗競趨舍侍庭闈愉婉溫清居親喪視瞑墳切心其哀祀產稽非其人漸多蠹蝕廉而能者復謝不事也君曰噫木有本而水有源宜共念之倘忘其祖惟家室之是營則雖飯精美臠而渠也夏屋何以安也遂與諸肩事者握會計校釜庾詔出納惟謹仍以歲羨輯家乘覈實訂僞付劄劄以志不朽蓋晨而往暮而歸率以爲常宗務畢理赴義一何勇哉然第勇於

65



公不競於私橫而加已者無從生釁或亦譏之君曰嘻吳楚之
不敵君所知也艾陵之役齊簡受盟而越人扼其吭鉅鹿之威
列侯震懼而漢師促其列故逸於我者不必逸於人遜於人者
不必遜於天與其以身嘗也宰爲忍厥配安恬馬氏舉一子繼
繡續高沙吳氏舉二子繼網繼纘能以損延視當室者幾希
君藏內均調幹旋先後間而需忍攸濟是胡其若苾若法與軼
掌公輿者判若兩人也子不云乎見義不爲無勇也小不忍則
亂大謀而越語亦云天道皇七日月爲常明者以爲法微者則
是行君之張弛其衷於是哉不廢不蹶有繇矣


萬厯戊申季秋吉旦

里嫻李文素書

高澤省吾盧隱君傳

承三百三

斐士卓乎方內者奚必錦衣貴耶布衣貴也布衣者無疵而醇
不雕而璞棲遲闔闐之中優游風月之表而人咸感其匡持若
省吾者有以也隱君爲北白山人公冢子幼習舉業泰運未開
南士退修於田疇其素履砥矢明炳著蔡遇盤錯而器益呈鋒
雍容卑牧乍見之如珠藏大澤媚澈漣漪若義氣奮發不局促
效轅下駒也居家室聚順承懽友于同爨貲囊弗私毫末祀金
掌其籍常歲徵羨餘輯家史倡以大義中外孝讓聲溢鄉里凡
所交際必竭忠誠一有然諾不爽分寸角上駟者爲之面折罹
橫逆者爲剖公庭任版總斤匕絕欺隱弊巷閭咸口碑誦德居
躬日維披紛糾課農桑涉世故席不暇煖若其燕醕宗婣欵承
善類又其慷慨寬裕之性君子稱其孝且仁也時或弄風月於



林泉瞻浮雲之出沒斯布衣之貴奚啻爵位通顯者歟漢制孝弟力田者輒推擇為吏厚重文字者屬以大事隱君孝弟修於家也忠信孚於鄉也勤儉力於躬也使居其世寧不為司牧見用膺朝廷之章錫哉於乎君渾七噩七自完其醇不雕不琢復歸於璞不辱當貴徐步當車無欺而心自安無求而家自裕布衣等文繡晚食為膏粱藹然華藻得謂非斐士乎假世成若君德庶幾比屋可封人人有士君子行矣君盧氏名曾唯字彥道別號省吾并贊以傳

贊曰歷古名公顯宦立傳以揚其休若夫巖穴士豈無遺闕不垂芳者哉伯夸大義史氏傳諸篇首盧君亦可以傳矣
萬歷戊申七月將望之吉
眷生完璧趙賢球拜撰



盧孝子傳

承四百二十

孝子姓盧諱存禮字彥先東山其別號也何以稱孝子曰壽母也母何以壽曰母疾已篤孝子哀顛于天割股肉一進卽甦而有起色也或詰之曰孝子之父逝云久矣彼其時何不一進留父於今稱其慶乎余應之曰語有之不登闈風無以瞻異日之勝不得其深情無以測仁孝之寓意孝子當父將辟穀時豈惜此一股想父逝矣聖善母氏誰承菽水而以養終年也父故而大事克襄孝養北堂一因抱疴廣採青囊肘後之秘其自言曰吾之精醫濟世其後也先賢有訓爲人子者不可不知醫吾聊以供子職已爾採崖間之木松下之苓順時調護保全母恙而享壽終今孝子接盧氏之真傳三指陽春吳寧之增壽域躋春臺者半出孝子功也孝子立心長厚舉止端慤一以利物濟人

為心待而舉火者應之急不能解者為之排難而周恤焉居嘗
涉獵楚騷秦漢揚抑今古議論鑿匕中理孺人趙氏淑慎柔嘉
佐夫子以孝姑怡匕色養聚順庭闈夫子仗義之施一遇不繼
即脫簪珥繼之閨德之賢稱罕儔云撫一子曰繼緒穎慧而敏
英匕玉立可荷薪傳此又其食報之不爽者嗟匕割肝壽姑江
北之李孝婦一閨中人尚荷 寵褒况孝行卓匕如公者自當
旌錫表閭名與日月齊光不佞言若鴻毛何足以讚揚孝子弟
能達孝子深情可表知己云爾

天啓甲子日長至
賜進士出身中憲大夫湖廣按察司副使奉勅提督學校

玉壺道人葉官輯

承五百一春宇公行傳

嘗稽聖門之哲先列德行故人之以德行著者不必其才智而才智者卒莫之過非重德行而輕才智也有德行而才智其次焉者也吾祖自西山公以來凡二十七世矣其間英賢輩出仕籍蟬聯以才智稱者十之三以德行稱者不能十之一德行表表沒世無間者且不能百之一千之一矣吾叔父諱一芳字彥桂號春宇者叔祖逸字翁之長也吾叔祖忠厚長者之稱徧於鄉閭吾叔繼之勉於繩武兢七禮法之中處亡惟忠待人以恕口不道非禮之言動不干非禮之舉其事親也以孝其事長也以悌其字幼也以慈又其尤者處昆季如一人凡私畜私器私假私與之失無一可擬者此真所謂德行表也沒世無間者也使叔當成周之世行鄉舉里選之法吾叔其首推矣叔母應氏

溫柔淑慎克敦母儀又閨範之彰也者今也蘭桂遞芳箕裘咸肖克昌厥後堪擬燕山生子五長曰繼彭三曰繼喬合業儒善承叔氏之遺悉髫齡而遊黌序其長與珪交最善少同師長同業老同時齋頭坐論不分晨夕出遊攬勝不計遠邇今又以老而同志趣矣其德行而兼以才智若又非珪之所能企也次日繼登四曰繼團五曰繼圓令業農亦恂也叔氏之風嘗記叔氏之遺訓曰汝輩不必過求聞達惟在哲義理慎常業耕讀之外無他事也使天鑒叔氏之後累世以德行著而才智佐雖不能與聖門顏閔諸君子並垂天壤亦庶幾瓜瓞雲仍蒸也其未可量也珪不文罔以揚盛美聊繪其實以卜仁者之後云

昔

康熙甲辰之秋七月既望

小姪繼珪頓首拜撰

宗二十府君傳

說者以人生窮通壽夭及後嗣繁衍零丁之故皆有數存乎其間雖有智術無能強營固也而不知有主持乎數之先者又非數之所得而定有先富而後貧者有先貧而後富者有擬壽而反夭者有擬夭而反壽者有累世繁衍而忽零丁者有累世零丁而忽繁衍者是皆數之所爲而何莫非有主持乎數之先者而卽非數之所得而定乎予挾此故以驗所聞者多矣又因所聞之驗以闡所見者亦衆矣而如予兄宗二十翁之一生尤爲彰明較著也翁係遠七十九公之孫承五十三公之子熒七三世一脉相延不絕如綫至吾兄而三子成立箕裘克紹雲仍之亂滿目琳瑯則繁衍零丁之不足憑也吾兄稟薄而多災雖盛暑炎七衣不去體父母日慮其顛危永年非所冀也年踰八十


而考終命則強弱壽夭之不足憑也。又吾兄係尚文公之裔承祖宗素封，倏遭窘乏，恐蹉跌不復振者，亦其常耳。而諸子諸孫隨以表封繼續，久而彌熾，則窮通往復之愈不足憑也。其不足憑者易見，而其深有足憑者難知。蓋有主持乎數之先者而卽非數之所得而定耳。或曰：主乎數之先者非德乎？曰：然。翁少而純孝，父母寢疾衣不解帶者數月，湯藥非嘗弗進，以累世幾亡。恐招衆妬，內文明而外柔順，小心翼翼，未嘗失言失色於人。予族多尚氣好爭，翁不隨衆趨見，有恃強凌弱者力爲排解。且雜引古人折節傾心之誼以喻之，紛難頗釋。卽以忤言相抵，亦笑而受之，置弗校也。犯者慚服，好讀書家，雖窘延師訓子，爲黨塾先以故。後亂繩繩克嫺，詩禮尤樂施。與歲值饑荒，已雖不給，亦所分有以濟其溫。和慈愛類如此。或曰：然則翁之德亦自行其

常無以甚異於人也何吾子遽以爲主乎數之先而且若天之
所不能主也曰汝知異者之足重亦知常者之難盡乎其婉愉
膝下奉養承權也則孝小心縝密與人無競也則和導人以善
而俾之剛戾悉化也則忠燕翼貽謀俾似續者之共底於式穀
也則慈而且急人之急饑人之饑甚至忘己之急以周急忘己
之饑以療饑向非爾我渾化視爲一體烏能若此此非修於人
而卽有以勝於天者乎是以窮通壽夭繁衍零丁之數雖足憑
而實不足憑則以有主乎數之先而非跡之所能定者於吾兄
之宗二十翁而信且因二十翁之已驗而以之遍閱古今共叅
聞見而亦無不厯厯可以共信昔了凡先生有云命由我立福
自己求予是以深有感乎其言而并取是說以告世之專諉于
數者也

煥齊崑

康熙三年歲在甲辰一陽月之吉

弟之奇拜撰



Faint vertical text columns, likely bleed-through from the reverse side of the page.

惟清公行傳 宗二百十八

公諱繼廉字惟清父春寰公昆季三公居幼父鍾愛之若王文
度年逾齠齻猶抱置膝上及就外傳鎮日埋頭芸案木榻欲穿
遞學舉業脫穎可期顧家素封昆仲輩田賦林稅之出入勾當
未暇厥考復奮志天達以明經遊皇都畱滯有年而家庭間賓
朋姻戚往來贈答須公爲之經理爰束書高閣以醇事應未幾
父春寰公由考課職司管轄斯時賀者在門聲華赫濯彼世俗
少年叨此喬蔭鮮不裘馬翩匕如五陵年少之兒酒食遊戲日
相徵逐甚至歌樓舞榭酣呼嘈雜不顧老成訾議者有之卽不
然或以勢力可憑驚世駭俗里旅稍不稱意輒呵叱之傾軋之
卒至犯衆怒以聚怨府猶恬不爲怪而公俱異是其稟性樸素
雅不喜錦帶羅囊在稠人中不自表襮無異趙孝之不見知於

亭長龐公之不相識於園丁與之語訥也如不能出間有知其
晦迹者暮夜干以私曰我鈍根人奚能出入公門乎婉言以謝
之其人解意而去至傾接士君子虛懷擊節不勝寫其饑渴之
思卽束錦以贈不爲費而於伯仲尤加懇摯雖年逾杖鄉眷也
然情緒纏綿當風清月湛之時連茵接席置酒一觴團圓交飲
漏三下猶坐譚未寢時人以其華萼之榮交口羨之然則公之
黜浮華而忘勢利欽道範而樂天倫其厚德載福處泰昌以享
壽考亦宜矣哉德配王氏淑順宜家舉丈夫子三日鳴春鳴雷
鳴宇克守庭訓禮義不愆孫犀角豐盈充闕兆慶異日之光大
門戶意在斯乎用陳其梗概而爲之傳

皆

龍飛順治三年二月

海鹽教諭李焯拜撰

泰然翁傳

義廿五

知東陽縣事俞允撰有于其年九十九既康且吉遂署爲鄉祭
酒而目之爲泰然翁者曰昇蘇鄉盧公公諱嘉京故明正統朝
勅旌義民配陳氏諱尚文者之八世孫配杜氏諱存淳者孫配
斯氏諱繼祖者之子也居錦溪修髯古貌不時競堅齋且諱
繼祖者得公於萬厯癸未是時諱存淳者幸及見其角髻以爲
是不凡必昌吾後歷泰昌天啓崇正朝紀元解懸振貧德洋其
里肇建思敬堂追享諱存淳者之祖諱如琛者及其妣華氏父
諱汝格者及其妣蔣氏逮厥考凡得四代以爲我不學然頗知
學意鄉先哲之好於我祖若父者數七款吾門地牖蓋詩書之
澤教化之源倫紀之本也遂督其子孫從師執經堂兩序躬課
之師第其文甲乙以示公公以次給獎鼓前策後遂用有成與

啓篋於郡邑學者子二孫五具稱名諸生文章煥焉我

朝定鼎江南北旣悉隸版圖公型仁講讓年益臻望益重品以益尊洎康熙辛酉軍國恬熙大典聿舉於是旣獻歲浹日知東陽俞公啓聘公爲鄉祭酒正西向坐席之明倫堂公步自錦溪不仗輿馬出將渡麻車埠板橋時公長子光寅以名諸生從步至橋而却公已渡復還至北岸導登橋曰何澁縮乃爾一時見者咨嘆不能去旣至躡自階禮肅然其恭氣冲然以和遂逮卒爵爲邦族寵俞公因號爲泰然翁云嗚呼人之秉性陰柔則小人陽剛則君子而筋強骨竦神完體充不在取多用宏也誠精故適然不梗乎其化志壯故矍然不更乎其造養真葆固日以益茂而工鑄天地遂此引年是之爲旋乾坤非幸歲時也公儉身約己無藉愒侈而前不否傾後靖泰履秩序壽以不渝肌革緣

而彌鞏則人修懋也德配周氏舉丈夫子三曰光寅曰光宙曰
光甯肄庠者二人孫十有一人肄庠者五人孫之子二十九人
肄庠者四人孫之孫四十三人貢入國子者一人肄庠者一人
蓋同堂者五代而溯自諱存淳者之與抱公于膝爲眼見七代
恭逢

高宗純皇帝特典頒行公且不但以人瑞例得旌卽眼見七代尤當
與邀沃

恩殊

錫矣葛綿於庇而松炳其心遂叨繁祉噫至哉是爲傳

峕

嘉慶五年八月旣望

後學蓬萊樓上層頓首拜撰

嘉慶二十八年

書

殿試及第後其心發即發...

照秋

與...

高宗純皇帝...


恭敷

蓋同堂香正...

執事書四人...


出謝執事香二人...

而祝聖頌人...



錦溪閒靜盧君傳 義百四十七

盧君諱大英字振之行義一百四十七閒靜其別號也邑之東北錦溪人宋越國公之裔西山居士之後其曾祖諱鏞號西泉修身潔行克繼家聲祖諱應元號春寰遊國學文章德業膾炙人口君之父號燕山才能傑出志行坦夸不與庸衆伍君昆季凡八而君居七年未就食卽聲呼無怙其天資穎異雖童稚慷慨有大志偕諸兄習舉子業經史百家言搜剔無遺先達多器重之屢試輒列前茅丙子劉公首薦於鄉闈幾中式以額滿置之大才晚成殆其然與人之業益精學益進乙酉秋決志鏖戰值我朝定鼎省會孔棘君才鬱七竟不獲一展而文章聲價自在東山老安石若不必爲君慮也君律已清嚴不輕然諾接人渾無氣岸令人如坐春風中而正直剛方未嘗阿意隨俗一




金溪先生詩集卷之十六
時遠近皆高其爲人對子姪不出一戲言而勤儉克家厭薄紛
華布袍素履泊如也事母李氏承懽惟謹伯仲怡怡如壘如篋
始終無間言處宗族鄉黨罔不和洽至過庭遺訓一惟以詩禮
爲式穀晚年捐棄世務雅好恬靜有企淵明康節之爲人日以
其詩卷置几案間自娛遊覽之餘玩目適心陶然寵辱皆忘
儻所稱羲皇上人是耶非耶且足跡不入公庭而抵掌時事往
匕多中居今之世志古之道能以身爲砥柱微君其誰與歸君
元配盤溪王氏稱女中淑媛幽閑貞靜繼娶六都王氏德性亦
如之男四珩璵琅琛女一皆前王氏出也孫藩垣芳克繩祖武
非君之盛德其孰能致之君耶楚珍從余游爲文章知己心竊
儀君之丰度因援筆而爲之傳

昔

康熙歲舍壬寅蒲月望前二日


賜進士第文林郎掌東陽縣事前知河南儀封縣事行取同考

錫山范 龍拜撰



御製詩經注疏卷之十六
皇朝通志卷之十六

欽定四庫全書




錦溪盧先生傳

端七


先生諱光寅字作賓明正統朝勅旌義士諱尚文配陳氏者之八世孫百歲翁諱嘉京號泰然配周氏者之冢嗣也先生秉性惇龐處幼齡不與儕俗伍泰然翁便冀爲克家子時建思敬堂正室三楹妥上五代靈卽延師於堂之兩序約族中長厚子弟與共晨夕焉先生英敏能文落筆構想超恒徑年甫冠補博士弟子員讀書務求大義於正心修身之旨尤講明切究以故都人士景仰風徽羣奉爲楷模嗣後季弟及子姪輩肄庠者拔茅連彙咸稱名諸生悉先生啓之也惜連遭明季默驗天人爰遵養時晦以善其身逮

國朝定鼎文治光華觀聽望深者謂先生根深實茂倘出而應科第博功名如拾芥易廼先生年屆服政而泰然翁亦壽越古稀

同爨食指約四十五人理繁治劇須仔承之泰然翁因得自適其適悠游化日怡養天和馴至登耄耄享期頤先生以七十餘年華引子若孫承歡膝下如老萊子之斑衣舞綵何樂如之顧先生孝友一生丁口日益繁師友往來親朋饋送耗用日益廣泰然翁慮先生之不勝其煩也命析爨而居而仲弟光宙季弟光甯亦深憫先生之過用其心也願稍分其任且欲以先生肩承所拓基業仍讓之先生先生乃喟然曰父母在人子無私財吾不忍貪天之功為己力又何忍攘父母之餘財為己有一堂序順仁讓風行縣州郡道聞我泰然翁眼見七代頻加獎給先生之志亦用是慰矣洎乎泰然翁百歲考終先生已年近耄期哀慕之切猶之孺慕不啻喪母時焉抑何孝思不匱根於至性而發乎至情與嗟乎人心之不古處也為子弟者往也藉父兄




勢利以騁其才能侵骨肉贏餘以私其妻子反隱然自謂計得
甘爲名教中罪人而不顧者何可勝道先生歛才守約無驚世
駭俗之行以要鄉譽俾家中父七子七兄七弟七各止其所而
萃太和於一堂此先生正心修身之實學所謂施於有政而中
庸不可能者也若夫周親鄰惠佃僕廣賑濟又先生之善則歸
親無庸枚舉者德配王氏各門淑媛事上御下夙稱賢助舉丈
夫子三長大緒邑庠生次大經端品行通經史爲 熙朝碩士
幼大綱亦邑庠生皆余師事者孫十諱充諱成者皆登庠余畏
友也曾孫十有九成之子曰人士余契友亦早登邑庠今元孫
振七繩七發祥未有艾皆德報之由來者遠也故追述先生之
庸德鮮能亦植福孔厚以爲後之爲人子者勗



康熙庚子年季秋月穀旦

後學金光朝頓首拜撰



Faint vertical text columns, likely bleed-through from the reverse side of the page, containing various characters and possibly a signature or title.

邑庠盧君佳傳

端四十七


邑庠盧公諱光騫者字君佳同邑昇蘇鄉人也父諱嘉京壽百歲以品行稱光騫性豪嗜結知名士七大夫識與不識交口樂道之夙饒於貲脫屣千金以振貧卹寡赴人之急掖人於險以是人悉心附之幼與福建按察司副使許達道子都同游學各以氣相高不相爲下明季知東陽縣姚孫棐用軍餉坐邀都金萬不予卽以他事下都獄都黨卽激其衆以反破東陽連破義烏浦江城時光騫畜所得社姥妻父張氏騾甚駿都聞欲得之光騫不予都率兵臨之曰不予我騾我且火若族光騫曰道有經有權我何至以一騾易一族聽取之族完而都亦卒以騎是騾突寨不績遂詣降伏辜方東陽破孫棐已棄印綬走及諸暨界光騫從父嘉亮追及之叩馬諫曰公有官守過此一步卽涉


他人界如國法何遂迎還之館諸家奧室光雋曰得間我當復
東陽而時果有計敝賊于邑城者光雋卽于是年臘月晦率其
族送孫斐歸署人稍匕獲安光雋學不屑近小務恢擴壯曠我
愜者德之我拂者覈之有縱牛踐光雋墓者卽邀取牛或代爲
請光雋謝絕之牛家不檢于口卽殺牛返皮肉牛家訟官以爲
光雋非常人決不苟縱事遂雪甚哉道直之罔不世伸意誠之
罔不物喻也光雋才雄志烈而深以愷惠以百年然諾濟一日
鬱塞則紛未糾而已釋難未構而已排勢固可倉猝倖哉光雋
之於孫斐且有甘與同拚擊觸之命者意豈獨傾家紆國則嘉
亮之用官守爲孫斐勒而卒完之固素牛家風矣彼季布之載
廣柳趙岐之藏複壁有以哉有以哉宜乎署瀘州李秀會論鄉
先哲目爲知仁勇人也

崑

嘉慶五年八月既望

本科選拔貢生蓬萊樓上層拜撰





盧孝子君望翁行傳

端八十二

予歷錦溪館於友夜飲適言修乘將竣予曰功名耀世德行昌
家而德行較重近有可以光厥乘者乎友曰族之去古遠矣雄
才輩出意氣自豪唯我族翁諱光晟者宗族皆稱其孝焉予曰
噫翁之於孝吾不知其何如而人競稱之夫孝之爲道也本於
天裕於性常也安常變也濟變稟之精而炳日月之光鍾之氣
而揚川嶽之靈卓乎君公讓其貴凜乎鬼神欽其誼者也
而人之盡孝也天斯全性斯盡順行其常曲通其變日月耿其
光川嶽壯其氣明可以動君公之矜式而幽可以來鬼神之呵
護者也翁之於孝誠不知其何如試詳言之友曰翁自少純粹
秉性篤於天親稍長失恃其尊繼娶內助翁事之朝夕奉侍無
少懈亦無間言夫身爲人子處常効順一堂之上嬉也然請席

何向請祗何趾敦節濫清承歡菽水悠乚以伸其志無難耳孰
與夫翁盡事親之道不匱其康年之奉膳更艱辛於多患之暮
秋耶當尊之恙也患逼膏肓風狂木撼翁遍歷名醫左右匡扶
經理湯藥彌月不解帶意天鑒其衷憫其調劑而默祐之靈無
何沉痾不痊幾臨顛仆豈運之窮而數之終歟善事親者雖曰
罔極值計窮勢迫之天嗟嘆誰何而已乃翁忽自顧曰我身尚
在也彼夫功名鼎盛有時不能違消息之幾則捐軀以赴國難
今我身尚在親撫我而親危我獲親之身而尚自安乎由是悄
然設奠仰訴天庭之下願以身代再拜跪齧左臂割肉踣地踰
時而甦匿其臂肉拭其血淚以歸其意以爲我之所恃者惟此
物此志也神所憑依將在是矣乃服之而果愈語云誠之至者
格鬼神其翁之謂歟一時之賢士大夫聞之莫不曰天子以孝

治天下宜達之上俛之俎豆馨香廟食於無窮也未幾果延譽
於

朝 欽差提督澗江等處學政日講官起居注右春坊兼翰林院
王公揆獎其額曰奕世垂常今日者翁固往矣而德行流芳意
其不化爲朽壤而爲金石之精不然擬文鳳之九苞若靈芝而
九莖而鍾爲川嶽之神明也乎友之告我如此予敬而聽之曰
孝哉厥翁遇變而濟其常以視功名之士生則榮沒則已者彌
足尚矣遂書之以光其乘

告

康熙庚子歲十一月

歲進士眷弟李俊佺拜撰

嘉熙庚午歲十一月

書

以尚矣淑書之以其志

幸結地無世變而荷其常以厥在冬之士也限樂哉以日香

大萃而驗益以崇之無阻也乎文之書考也也乎地而歸之曰


其不出流神對面金以之辭不然謝文鳳之其其其其其其

王公相美其辭曰矣世進也今日皆像固也矣而歸之其其其

醇 旌美對晉師以等德學知日歸官賦其其其其其其其其

飲

常天下宜數之土物之其其其其其其其其其其其其其其其



增廣生健庵盧公傳

和百廿二

錦溪健菴先生者卽邑庠蟻叟諱珩之弟姪也其主器者曰啓猷爲余同曾祖之姑夫而其孫曰鉞曰鎬則又與余同習業于隆山寺院者也鎬之父曰啓敬復遣其子釗及諸姪孫輩就學而命余爲西席之賓是健庵之風概人雖不得而見名皆可得而聞其爲之心折也久矣今者歲在甲申秋鉞與鎬顧余而言曰寒族家乘增修先王父之巔末吾子所稔知也盍爲我傳以誌之予曰盛譜前次敘葺健庵先生自在也二尊君曷忍其有美勿傳也二友曰時王父不欲以善自名且曰蓋棺事乃定一息尚存不容少懈敢自信終老無過哉家嚴輩不敢違其意姑待諸後人世德作求今其時也子勿庸辭予唯匕受命先生號健庵其殆有得于天體健行自強不息者與乃或者曰健何以


名翁也今之爲士者處鄉都排難解紛健于理訟也而以翁處之則已不健入城社趨爰用事健於交游也而以翁入之則又不健卽不然兀坐家庭伺貨之貴賤權子母以收什一之利健於聚財也而以翁當之則大不健吾意是不過拘文牽義兢七自守之儒耳健何以名公哉予應之曰否七不然如若所言是皂隸販豎之所爲非文儒碩士之所爲也子獨不知其健於文乎口不輒吟手不停披如韓退之之焚膏繼晷而兀七窮年也又不見其健於行乎敦厚周慎口無擇言如龍伯高之謙約節儉而廉公有威也文行兼至而以忠信濟之大聖人之四教於是乎在而子乃謂其兢七自守亦知其卽乾七終日夕惕若厲之心哉聞者嘿然心服予亦卽以是名先生云爾先生諱芳字蘭卿才名冠鬢序雖屢入鄉闈未逢知己然誦其遺稿仰其流

風文與行要自不可沒余故卽其所云健菴者而傳以誌之且
將以祖武之可繩永爲後裔勸


昔

乾隆歲次甲申季秋之吉

眷晚南岑吳國墀拜撰



63



春郊南之吳園賦我疑

游湖燕水甲申季秋之吉

書

游以所遊之河際派流於海

風文與行要自不可此余姑唱其流云動著筆而動以指之且

厚村處士傳

和百四十二

成周學校之設所以育人才也三德掌之師氏六藝司於保氏菁莪棫樸之化入人深矣故藹也吉士克生王國後世莫及焉然漢制猶爲近古設賢良方正直言敢諫科董賈崛起號稱得士而飾經術以阿世如公孫宏谷永者亦不少論處士於近代蓋益不可言矣制科之立先文後行已失古來泮壁澤宮遺意而所謂應試之文率折腰齟齬作妾婦從人狀且其行尤有不堪者性貪鄙尤善傾軋人遇鄰里鼠角之爭不一引手救反下石焉詡也然自以爲得計嗟乎此輩真昔盛王所移郊移遂不齒之人而反以狐媚獲售磊落不羈之士宜其不見用於世矣若發臣諱若愚號厚村者真磊落名儒也少好學博覽羣書弱冠遂遊庠入棘闈數次作文獨抒己見怪也奇也不屑一語拾


人牙慧故連不得志於有司迄今讀其遺稿猶足令人激昂起
舞而爲之追悼其長技不售云翁之孫繼緒予好朋也亦以文
不諧俗屢試輒蹶然和璧隋珠定逢識者諒不若乃祖不遇之
甚也翁之素行予年幼不及知聞其鄉父老云翁爲人廉直明
恕素有幹濟才善代人謀畫然投以非分之財纖毫不受其耿
介之性然也尤不可及者遇事敢言鋤強扶弱雖捐己貲不悔
有古遺直風至與友論文已說有未當則降以相從此又其明
恕之驗也嗚呼若翁之文與行真無愧於古之善士矣今庠序
中能多得如是人哉設也當時薦剡有遇俛身登詞館吾知出
其文章鼓吹休明蠶室蘭臺之史宜無多讓不然而列其職於
諫垣之地亦必如在野時氣節侃七閭七和衷共濟大爲社稷
生民之福矣奈何以一韋布終其身而有奇莫展賣志以沒古

今來如翁者可勝道哉可勝道哉予素壯翁之學行卓也於
是乎書


昔

乾隆甲申年南呂月下浣吉旦

雅溪宗姪孫標拜撰



65




錦溪盧朗齋翁行傳

和百五十二

憶昔假館盧氏間嘗沿錦溪蹈丹崖迤邐西過洋塘口有山卽
號洋塘移步登眺見故塚纍七從者遍指以告曰某姓祖塋某
家祖塋厯山椒望一片地勢蜿蜒北下有四圍古松攢七簇七
鬱七葱七倍饒佳氣中環作佳城以叩從者曰此卽達瑞恒山
二公之父朗齋翁之墓也族老者傳翁少習堪輿家言好遊山
水相陰陽闡地理常有烏傷浦陽暨邑人士遣輿來邀卜塚宅
聲稱藉七此兆域卽翁生前自區處古松亦其所手植者余族
本與翁世係媼戚知其子孫繩七果無非英物信是言不誣今
際盧族輯宗譜其孫人彥人道暨曾孫文暉文式等口敘
翁排行事蹟丐傳於余爰誌其畧翁諱大駿字友玉和一百五
十二朗齋其號乃有明正統年間

66



金華縣志卷之十九
勅旌義民閻齋公第九世苗裔

國初諱嘉亮公之孫也亮公時丁土寇騷擾邑令姚逃避越境聞
變駭愕率其子光奎訪踪得之慰藉數語延之於家勸以返邑
護送入城寇靖後又固不受邑令寵薦豈非古今來一俠烈奇
男子哉無何奎公乏嗣引弟光婁公之幼子入繼卽朗齋翁也
翁天性孝友孩提過房受撫長能服勞慰志婉愉承顏甚得繼
父歡心後女配城北任真定府尉徐公爲媳徐赴真定欲其子
明鋒偕媳至任來稟翁繼父不得已聽繼父囑數千里遠具贖
數白金送女直達任所又不料繼父在家遽染疾逝也斯時共
祖堂昆仲辦喪鬻去莊田百餘畝翁逾月歸來近鄉聞訃便途
中擗踊悲號幾致哀毀逮終制一切藉喪廢業事概置弗問及
生父婁公卒凡諸棺衾賻貲輒爭先措置哀慟亦如前其歎諸

兄緩急恒相濟弟若姪亦並分餘潤至平生嚴正自持義方繩
膝下惠澤周宗黨強禦不畏寡弱不侮此其家風彷彿尚存語
不殫述者也享壽八十四娶金氏內行純篤徽音俱云可嗣舉
丈夫子二長卽達瑞公少卽恒山公余皆爲之立傳四世曾元
已悉登載振七螫七發祥未有艾諒翁在營兆時蓋豫知之矣
其生卒自誌在譜牒不復贅

告

皇清嘉慶五年孟夏之閏月朔令旦

眷晚貢生吳國墀拜撰

皇... 皇... 皇...

其... 其... 其...


日... 日... 日...

次... 次... 次...

不... 不... 不...


藏... 藏... 藏...

只... 只... 只...



和二百廿四公行傳

今夫人子之於親其孝思寧有盡哉幸而逮事朝夕奉養先意承志猶可慰也不幸樹欲靜而風不寧子欲養而親不在臯魚致嘆其奈之何雖然人子之心無盡不得養於生前自難忘於沒後今修葺家乘有生前行事卓匕可傳其子諱啓謨字聖獻者不忍沒其父之善而丐予爲文以紀之誠人子念親之至意倦匕無已也志有足嘉因不辭鄙陋而抒其所見以誌其實事公之爲人也慷慨有大志性喜讀書使天假之年必能教子成名夫何有志未遂而鬱匕以歿命實爲之謂之何哉然其善行有不可使之不傳者待高堂則恂匕有禮處昆季則怡匕有節接宗族鄉黨則溫匕其恭藹匕其和遇有不平事輒直言不隱公道自矢不爲利疚不爲威惕非所謂鐵中之錚匕者乎元配



吳氏生三女長適太學生杜虞侯次適吳幼適徐繼娶華氏有
婦德生一子即丐予為文者生而俊秀勵志上進因父母相繼
而逝乃棄舉業今家業興隆每以不獲養親為憾幾如子路之
南遊興嗟傳曰為善者天報之以福公雖單傳一子而子已生
孫二名人位人佐皆嶄然見頭角方興未艾之祥拭目可俟知
公制行之正直有以致之也于是乎書

乾隆歲次甲申菊月吉旦

姪啓訓謹撰

味二百廿四公行

錦溪盧翁子舟行傳

和二百廿七

有善必福天之道也有美必彰人之道也憶余自成童時隨父入錦溪市其間熙々攘々四民紛集吾父於雜遝中過之皆置焉弗問內有盧翁諱大楫字子舟者延父入家命余坐隅款待甚殷余父嗜酒又逢知己酪酊夜歸次日庭省問昨所稱子舟公者是何姻眷父告予曰此某姑之堂叔公也余以其狀貌軒昂言語磊落又問其爲人父曰此鄉都中之剛方正直人也予時重其品卽銘諸心後弱冠痛失怙間亦適市而與翁少親近每自慚薄德負義耳然居里相鄰嘗酒食會敘翁因父執牙誼輒正色囑曰賢姪宜砥志讀書遠圖上達勿負乃父平日屬望意予益以是誌其言而常銘諸心厥後倖列黌宮造門叩謝翁喜曰汝今已寸進顧鵬程有待須奮翮冲霄未可遽謂已足也

予於是益銘心無既乃日復一日屢困棘闈辜負翁叮嚀然於
翁之行誼常欽仰而不敢忘也今舌耕社媪張家春雨聯錦坐
困斗室恨久不獲適曠野迤邐散心忽一日天朗氣清閑步出
獅麓感念桑梓且言歸問訊道過錦溪宅畔適遇翁家君作仁
畱予入家談及修葺宗譜事因思譜以獎善垂勸凡有一二嘉
懿可稱述者尚且狀之以示後人豈有如翁之居家肅雍持己
接物敦忠秉信卓匕可稱足以扶世翊教者而顧任其湮沒曾
不爲之傳述也耶翁生於康熙己未十月初八日午時至乾隆
戊寅年八旬族眷僉欲爲之上請邑侯顏其額翁堅謝弗受越
三載十月廿五戌時登仙真所謂德壽並高人無間言而又能
逃名務實者矣舉丈夫子三孟啓佳仲啓聯季啓千特達異常
孫俱頭角崢嶸聰穎必能拔俗德配許氏今年七十四稟性溫

柔康寧頤養此亦翁剛方正直之休徵而雲仍之發祥已無煩
著蔡決也不自揣鄙陋而為之傳誠銘感其當日再三叮囑之
至誼雖未能殫述其詳亦聊以著夫善必福美必彰天人協應
之道云爾

附集古句二首

杖端閒挂百錢遊

蘇軾

醉折花枝當酒籌

白居易

夫世事浮雲何足問

王維

南鄰借得采菱舟

陸游

其二

其仙風吹下御爐香

蘇東坡

攜杖來追柳外涼

秦觀

新睡起莞然成獨笑

蔡確

不知嵐翠濕衣裳

文徵明

昔

乾隆歲次甲申季夏之吉

眷姪庠生華夢昌頓首拜撰

像贊


錦水之鄉有一善人務正其誼與德為鄰固耿介而拔俗亦瀟灑而出塵惟倫理之敦有衆羣高其義抑交情之厚所親共飲其醇抗論羲皇之世追踪懷葛之民誠相期以古道而自得乎天真後之識遺像者求克肖於其神則麟之趾麟之定宜永慶夫子姓之振匕歟

歲進士眷姪吳國墀拜題

州集古詩二首

古詩云爾

聖道雖未始其精亦暇以考夫... 昔蔡央世不自謝... 采氣寧則養山亦徐...



和二百五十七府君行傳

錦溪盧啓忠者余叔兄佳婿也來予舍相與燕坐劇談每道及府君輒齎咨涕洟抑鬱不能語予初不懈其意徐叩之乃陳其畧曰先君年十五卽喪大父祖業本幾希備歷艱辛始得保朝暮免饑寒蓋幼齡之卽受困頓也如此逮日積月累幸有寸進口未嘗品甘選旨也身未嘗衣裘披錦也出作夕息暇則與父老課晴雨話桑麻斤匕自守絕口不言人是非家無甚贏餘而存心長厚族有窮迫者請貸之卽傾囊而出豈惟不責其償或相遇于道左先趨而避焉恐其顏厚有忸怩也至于造橋梁修祠宇慷慨舉義無難色以故正人碩士猶多道及焉娶嫡母杜氏生姊氏二艱于嗣復娶生母虞氏年六十三乃育忠閱二年染疾將革命取文券千餘金焚之親鄰咸以有忠在勸毋焚喟

然曰兒倘克樹立寧藉此區區否則遺此何益立焚之乃逝是
時忠甫三齡母及二姊與親鄰嘗勗忠知之念及此能不愴然
余曰有是哉所謂捨家勿顧務積德以貽後者翁之謂矣宜其
家業日隆而後嗣昌熾也翁諱大壻字汝甫予族兄諱學海者
舅氏也備知其詳亦嘗爲予述焉予今年越古稀閱人多矣果
見其基址日拓堂構鼎新生男四長人雅軒昂磊落次人雖渾
厚惇龐三人崇尤襟懷瀟灑幼人完亦頭角崢嶸定卜爲克家
子此何莫非姻翁可久之德而發爲可大之業乎因志之以見
積善者之不爽其報云

乾隆六十年歲次乙卯仲春

庠生祿石許 鼎拜撰

錦溪盧氏大富翁行傳


和三百五十九

錦溪人壽之從予授經也。歷有年所矣。溯其始進時，午夜讀書，厥聲朗，令人傾聽，久而忘倦。學爲文，日就月將，亦漸以光明。予嘗以大成期之，而不欲其志之不逮也。今者族修譜牒，將告竣，追述大父之芳躅，而請予傳以登諸家乘。予故誌其巔末而約略敘之。翁諱大富，字以德，明嘉靖年間中，應天鄉榜，如庵公之再從孫，庠生行，卿公之曾孫也。同父七人，公居三，與弟承世業，彫零析爨，分居不甚優，給翁則務耕耘，勤樹畜，崛起隴畝中，廣置產業，約七八百畝，奉雙親，不待輪膳，恒烹熟薦薌，以昭色養。處昆弟，孔懷無間，引諸姪輩至其家，佐理饗之，殮之，習爲故常人，以爲同室，不知其分居也。待鄰里鄉黨，貧乏則通，其有無急難，則力爲排解，顧其中見勤儉治生者，則相對怡怡，時以美

言嘉獎若怠惰遊蕩不務正業者則辭氣不假此其嚴正之梗
概有足以風厲末俗者也以是家邦推重聞於學延飲于庠享
年七十有二娶李氏咸有一德室盈婦寧皆其內政之爲力居
多享年六十有二舉丈夫子二長啓瑞幼啓龍皆秉性慷慨立
心制行多與翁肖長子生三孫長人升寬和知大體周旋族黨
秉禮度義衆志咸孚仲卽人壽從吾學者季人位亦循匕修弟
子儀倘志於學自堪有造今長孫又誕育三孫爾後克昌未有
艾也幼子亦現生一孫各人廉體貌魁梧定後時之傑然予於
翁表其躬修猶欲勉其後裔也夫莫爲之前雖美弗彰莫爲之
後雖盛弗傳以今播穫有基堂構相承則世德作求正宜光而
大之庶幾門望日隆而昔日炳蔚之景象不難復覩于慶和堂
下也是爲傳


大清嘉慶五年仲秋下浣穀旦

歲進士候選儒學訓導南岑丹崖吳國墀敬撰



73

大款... 正平... 竹... 下... 尚... 輝... 且...
 此... 士... 對... 懸... 前... 帶... 階... 前... 明... 之... 長... 似... 與... 因... 此... 故...




聞桂太翁行傳

愷四十三

有過人之行者必有過人之遇此天人之順應不誣也夫過人之行豈必在震世駭俗哉以仁宅其身以厚植其德而已過人之遇亦豈必在事權赫奕哉如洪範所云身其康強子孫其逢吉而已此數者殆不可倖致余于錦溪盧氏九十老翁遇之翁諱啓佑字以正號聞桂蘊山翁之嗣子也與余先王父幼同學長同庠歷郡省試寓同邸村居隔里許至耆齡交往倍密先王父嘗道及老翁仁且厚以爲閭鄙中真難能而可貴者後余近弱冠幸侍教於翁之子廷燕并聯文社於翁之孫聿修因獲登堂展謁時炙令範際今家牒重修敢不辭謏陋而爲之傳翁自少失怙賴聖善閔鬻得成立宋學政敘其苦節表其貞心固可流徽彤管無煩贅述矣唯翁年稍長樂羣敬業每於螢窗雪案

中日夜銘心恐不獲早着祖鞭慰北堂之教思年二十七始補
博士弟子員慈幃又卽見背柩捲則存蓼莪徒感歲時致祭雖
盛暑必冠雖遠出必返涕泗淫七下如綆糜蓋其仁孝之篤如
此至乃教臻侍子於國課則囑其早完於農租則願其寬卹不
事鑽核家業自饒年厯耄期姓氏不一涉訟庭受其廛食其租
者皆感之不啻慈父母其忠厚之足以型方又如此不宰唯是
少壯砥志老而好學凡古今文史及輿圖方誌靡不披覽後進
有虛懷質正輒爲具酒食諄復至終日不厭驕淫頽隳之子則
疾之如仇辭色不少假是又於仁厚中兼有作人之雅意者翁
行過乎人故其得於天也福祿純嘏如川方至年八十餘偶得
瘋疾越月復瘳近五六年來緘口不言世事持梁齒肥食量視
少時較進振襟危坐無惰容方之于古老伏虔殆爲過之膝前



侍二難長諱人壽幼諱人喜人喜登郡庠年俱半百孔瑜衣綵
此其時矣孫大其中曰行與余同邑庠曾孫十有四元孫二秀
者澤以詩書樸者安於耕鑿可不謂身其康強子孫其逢吉乎
茲數者富貴之人求而不可致翁乃受其全豈非得於天者獨
厚耶而後知天人之順應不誣也余故因翁之過人不僅以年
遂詳其仁足以致壽厚能載福若此後之當路者其勒諸邑志
以擬爲

盛朝之人瑞也可

峇

乾隆二十九年季秋之吉

眷小姪南岑邑廩生吳國墀頓首拜撰

眷小致南學。島與主吳園。對前首。

彈幽二十六。半季煉之吉。

昔

幽暗之人。似此可

以辨錄

靈精其口。足以辨壽。以辨壽。以辨壽。以辨壽。


取印而錄。映天人。女則。不。不。不。不。不。不。

女。則。則。則。則。則。則。則。則。則。則。則。則。

昔。對。以。以。以。以。以。以。以。以。以。以。以。以。


此。其。其。其。其。其。其。其。其。其。其。其。其。其。

并。二。二。二。二。二。二。二。二。二。二。二。二。二。



愷一百三十公行傳

予嘗論竹林七賢如劉阮嵇山輩清夸超曠雖簡棄一切多不合聖賢禮教然彈琴嗜酒具見天真要於胸中無滯碍千載下想見高風猶似栩栩欲仙也今而獲遇其人乎文安得以俗緣累之以余今所見如錦溪盧氏景老姑夫是真有竹林之逸趣而又不拂乎聖賢之禮教者也姑夫諱啓猷字景文爲健庵先生家子幼業儒秉性高邁居家雖不必以孝友自名但其侍奉高堂晨昏笑語依匕孺慕待昆季壘篋式好怡匕無間言循是以推大倫庶乎無歉矣且也有其德者豐於遇早歲則乃翁主持家政中年則季弟代理庶務晚齡則長子銳又習知家人產業所以作述有人常得遊心藝圃凡經史諸子百家靡不披覽故其爲文也以宏正之法赫而運以章羅思力每誦其遺稿歛



26

金華書院藏書
卷之六十一
氣歸神削膚見骨有迥殊於下里繁聲者而終詘於不知己曾
未能博一名弟子員卒至湮沒長才爲可惜也夫人殫敝廬之
攻苦風雨不輟音雪霜不改色方信驤首雲衢唾手可得乃屢
試輒蹶永遭剝落至此褊狹者幾欲搔首問天自鳴不幸矣而
姑夫竟以半生偃蹇習焉相忘唯醉酒吟詩俯仰自適琴不必
其有絃書不必其有句優哉游哉以樂餘年迨年逾六旬飄七
仙逝真令人欽其量不須悲其遇挹彼風徽不誠自有千古乎
所生丈夫子三長人銳次人鉞幼卽人鉞與余同筆硯砥志勵
行必能承先人之志者余忝在外戚敢不辭鄙陋而爲之傳

合聖書
乾隆廿九年陽月吉旦

卷一百三十八
眷姪南岑吳國墀拜撰

卓行文學廬公傳

愷百六十二

余祖居東陽城北托塘後徙金華郡城之東蓋數世矣然而瞻
念東邑極不忘也詩云維桑與梓必恭敬止予獨無情乎哉第
雲山間隔道里阻長僅從每歲清節歸里館於堂姪文孫之一
鑑亭詢及通邑紳士美行以志景仰宗黨中有舉錦溪文學廬
卓行公之爲人以告者予聞而起敬焉思夫聖門論達必先質
直當今之士喜尚浮華古人尙綱之意其何存乎而公獨以卓
行號依然有古君子風矣公諱啓訓字德先跡其生平天性淳
厚體貌端凝與人交無疾言無遽色情所好惡悉中於理而見
乎於人事物之來一以至誠接之不附貴亦不凌貧迨有義舉
人所逡巡而不欲前者公毅然任之無難色至於閨門之內尤
極雍肅與孺人單氏相敬如賓孺人亦柔順慈惠善相夫子繼

娶沈氏亦有婦德無出而卒元配生一子名人攀奈何叢蘭欲
茂秋風敗之因繼一孫名文安爲其子後是無子而有子無孫
而有孫矣縣試冠軍入泮後習舉子業必宗先輩大家理法兼
優不喜張氣矜才作詭異無根之藝歲科試屢列優等蜚聲黌
序每逢鄉試必應棘闈卽今年近古稀而館課餘閑豪興勃發
握管爲文猶必以理勝焉夫余以經生終老一子忝列賢書諸
弟姪或登名仕版或食餼膠庠要其所尚者亦皆惟卓而已今
識公之號核公之行洵有當於余心爰不揣蕪陋爲公傳述登
之名門之乘俾後生小子知古君子風將有所感法云

告

乾隆甲申竹秋上澣之吉


歲進士候選訓導長山年家眷弟張 覺拜撰

錦溪處士愷二百一慊庵盧翁傳 并贊

翁諱啓生字達瑞號慊庵有明膺

勅義官閤齋公十一世孫節今詳

旌節孝周孺人之舅也貌頎然樸而莊冠服不爲飾笑言無或苟人
咸謂有太古風少好學不慕榮利爲文章高古渾厚如其人落
落然自成一家不肯俯趨乎流俗以故世鮮識者抱璞勿售無
戚容性敦孝自壯至老若童時待厥弟愛而能讓撫諸姪嚴而
有恩雖彼此殊居親匕之誼藹如也凡涉世開誠而布公無囁
嚅之言無曖昧之行嘗言曰言與事不可共白於人者皆苟焉
者也人之生也直何依阿渙忍爲是以出一言如其心制一事
如其言卽當造次中磊匕明匕無或所爲二三其德者以故剛
直之聲震一鄉平生重氣誼所與悉皆方正士非其人慎勿交



其有穢行勿悛者痛絕之不啻讎敵然卽少假以詞色而不屑
故君子視以爲可親而小人駭以爲難近家居勿殖貨營私非
其有弗取於一毫少有羨輒推而濟之戚故或有以治產遺後
爲言者遽蹙然而不之答退而曰人豈無以貽厥子孫者二疏
之言胡弗聞而必斤匕焉以滿籛歛怨因之超然自得物無可
喜而亡無可悲安享淑媳之孝養以終其天年娶華氏繼娶虞
氏續娶陳氏一子曰人祖虞氏出早逝遺孫二長文暉從余遊
已登邑泮次文式勤作息並克凜慈訓恂匕然弗墜乃祖風茲
以輯乘事來請紀先行於余不獲辭因約略而爲之傳并屬贊
詞以遺之俾來者咸知取法焉


贊曰丹山之麓錦水之濱有隱君子三代遺民貌兮守樸性
也率真持剛秉直講讓型仁才完太璞文韜席珍世不我知

適全吾神聿修厥德佑啓後人怡然曠然以老其身噫斯人也允足表正乎流俗而追蹤乎賢哲之倫


峇

嘉慶五年歲次庚申四月吉日

歲進士候選訓導眷姪丹崖吳國墀拜撰



79



Faint vertical text columns within the main frame, likely bleed-through from the reverse side of the page. The characters are mostly illegible due to fading.

錦溪齊雲軒恒山公行傳

卷一百五十一

錦溪盧舅氏諱啓旺字恒山者別號齊雲余同高祖叔母之季弟也曩舅爲膝下賢仲季授經引余館西席因得稔悉其卓異之品行雖仙遊已隔二十餘載常不啻寤寐見之而未能忘乎其爲人今其孫晟又久從吾門以族修家乘敬承諸父命欲闡揚先德而誌之譜牒爰不勝本中心之藏寫而一爲追摹舅儀狀魁梧頎然而長立如鶴峙聲若洪鐘望之者凜然不可犯然亦惟強暴不逞巧爲機變諸狂且斯對之卽嚴辭厲氣疾之如仇敵若斤匕自守不欲多上人而反受人狎侮者且矜之惜之轉爲翼護也溯其幼學來經書俱成誦大義多通曉唯是憫一兄閉戶獨居勿與人事日夕向芸編逐蠹曾不能博一領青衫遂決意不就試然書香弗斷隨所見披閱涉獵史傳凡醫卜星


相雜說無不理會而於楊曾廖賴諸家言尤精研究嘗慨然發
喟謂吾盧爲東邑著姓乃獨幹分支唯雅溪自元明來科甲蟬
聯顯官鱗列而吾族自良玉公識歸真主績耀汝寧後只一如
庵公與同郡金松澗公連鑣登鄉薦得知靖安縣事嗣卽邑庠
踵接間列明經而科目已杳然無望矣是非里居之不足以蔚
人文也夫亦先人墳塋多草土不得善地耳故說者謂雅溪有
文澤公能相陰陽占竒勝後裔多發秀則甚矣安往魄以爲葬
埋不可以不慎也於是偕我家君興言畧地裹餼糴于囊橐窮
名勝之川原近周八婺遠陟四明無不有其踪跡之所至然或
有欲售而非心所契抑間有心契而苦不克售亦嘗以語諸人
又可見其有大公無我之量也顧或者謂舅好言堪輿而病於
闕疎乃予舍姪幼失所怙世業幾淪落賴舅爲女姊妹姻翁將祖

瑩蠲吉故厝而業頓恢復且遠過乎前其於青烏秘術之精非
彰也。有明驗者乎。但識趣跨越與衆殊趨。所居近市。每厭囂塵。
爰於溪畔構堂。與三楹迴廊。一曲中納數仞天光。栽培幾鉢寒
梅。古柏折竹盤松。蘭馥成叢。桂芬入座。點綴春暉。扶疎秋景。又
有數缸頰白錦鱗。沃養孳生。擇取龍睛獅尾。浮沉伏躍。日添新
水。摘以芳藻。甃以文石。時引二三同好。共相玩賞。對酒彈琴。坐
談方外。軼事竟日不倦。此非其心與天遊。絕非塵氛所能羈絆
者哉。德配單氏。敬戒無違。內外無間。言毓三子。孟人獻剛。明率
直。縉有父風。允堪主器。仲人彥。曾讀聖書。深知體要。爲族之望
季人。道幼早慧。多才思。鵬翮高騫。刮目久矣。詎嘗謂大器必待
晚成哉。孫男八。皆恪守先訓。無慚哲嗣。中有晟。從吾久。潛心力
學。卓絕凡兒。有不待勉而遠。大自期者。庶爲當前曾孫。五六人。

之先導其亦舅氏冥漠間之隱為慰藉者夫

皇清嘉慶五年歲次庚申首夏之吉

首輔曾文鳳次子主器仲歲進士眷姪丹崖吳國墀拜撰



香若醇酒舉刃燈無城內快城間言雖二千五人堪四與率
精衣快輝專意日不辭出非其心與天遊隨非憂慮而論歸採
水歸以苦蕪焚以文可却得二三同我共時天有德西戰琴坐
宵燈瑤酥白龍鱗天養華主對單韻靜穠呈卷時對觀日新添
樹古併得竹盤公蘭題如蕪林衣入聖觀歸者聊封粉所景反
受外習和耕堂與三盤歐一由中隔城國天長舞舞舞桂寒
綠山青田總皆平介脩時初款與果粉動湖等以市或孤窟坐
坐從吉好習而紫動刑野日憲賦平前其飲青島味亦立詳非

愷一百七十三府君行傳

錦溪盧氏輯宗譜下宅公舉一玉瑞君者爲總董賢之也曷賢乎爾家居距二十里許歲時奉祀回梓里必遍宗長問訊族屬過其家雖遠戚歛接甚慤懃本宗祠宇頽圯議重建捐貲助役慨允率先凡此親睦敦本族衆是以賢之也旣而受任赴譜局日與諸董事編排校正恭慎周密合族之俊秀共賢之欲爲紀其績謙弗受唯日諄匕於先考之遺流艱苦積有成業日篤不忘宗長體其旨爰丐余爲若考立傳考諱啓佳字成美和百四十八府君諱大鳳者季嗣也考元配安人俞早逝繼安人許誕玉瑞人宏其諱者初大鳳與八都施聖員公友善成美翁初生時苦有恙難養星家謂宜離祖重認雙親和府君卽翁孩抱繼拜施公暨施安人金母爲義父母後不幸府君病沒翁失怙世


業彫零施公卽引之徙居八都洲義塚之原旣而施公未育而
逝翁是時尚未克有立噫遇艱哉而猶幸金安人以徐公諱明
柱者納焉仍視翁爲拜子無異施也宅爾宅畝爾田皆爲翁營
求里鄰不稔習亦爲翁調護翁以小少積老成修彊畎勤樹藝
銖匕積之寸匕累之歲致贏餘而卽以其羨額權子母假貸收
息或償或否皆濟以寬和人炙其休光咸樂其緩急之可通而
不忍背負也乃翁以務本節用廣置田園日就豐亨惜徐公亦
熒匕逝世金安人旣垂老且孤貧無依翁銘感舊恩邀其家生
事死葬概爲承辦而歸殯無所復於宅傍擇地安厝四時祭掃
不啻天親然此其誼美恩明誠有踰於尋常末俗外者今者玉
瑞君遵翁遺命善繼善述恐此後歲月遷延子孫隔膜視之辜
負厥考仁厚本衷因爲置施徐二公祀田租十八秤糧戶勒名

報義常永言孝思由親逮疎翁其有知當必輾然欣慰而含笑
於九泉也不揣鄙陋聊誌其畧至於翁壽踰杖鄉孫男濟七有
六譜牒名次自著不復贅

昔

大清嘉慶五年重九之朔吉旦

南岑丹崖吳國墀謹撰



錦溪盧氏偃修翁傳

愷二百八十四

人有恒言皆曰創業易守成難而余則謂見以爲易卽非易知其爲難卽無難也蓋創與守相因能創者必能守而不能守亦斷無能創者也錦溪盧氏偃修翁非材德並彰而創守兼著者乎翁諱啓斌偃修其字乃膺敕旌義閣齋公之十世孫厥考卽和字行二百四十三諱大玖公也翁初不業儒然識字知書偏若有得於古儒者治心之學謙以持己和以處衆敦忠秉信以服物厥考承世業式微之餘克勤克儉銖積寸累崛起成家里人僉以爲翁誕生後百事便如願相償乃能臻此田地焉循是歲有贏額爰以所居近市自構一廛懋遷化居菑舍廣闢一時素封俛堂上二人齊眉稱慶一家金昆玉友式好無尤各允媳聯歡此若考之善創而實則翁之以守兼創相與有成


洎乎庭椿告萎哀慟終喪伯仲叔季同胞食指亦遞增繁
奉北堂命析產分爨交推互讓合在下子婦熙熙全無詬
誶微語賓朋聚集常似同居時至今風徽猶堪追驗也嗣後舊
服先疇故廬別業概委諸子若孫唯是優游化日頤養天和復
取膏腴四五十畝自爲收貯應納告緩者姑從其緩乞假告急
者且濟其急以此人皆仰其寬仁至如救荒掩骼修廟造橋凡
諸義舉募捐靡不慷慨樂輸其尤表表者敦崇一本族中大宗
小宗祠產虧蝕乃偕各派素不與事同志之人捨貲助常充入
經理今廢業藉以恢復族衆成謂翁與有力也若其裕後遠圖
歲歲約諸弟延師訓子姪英敏者長卽令出就外傳所以近年
來名列邑庠雍序者已五人其孫煌早樂泮從公圭及
山等亦業儒有成可望而要其所以治心者他不盡悉

唯以明心寶鑑一本不釋手披閱庭訓亦專引天道福善禍淫
餘慶餘殃等語諄切勸戒則其自爲立心之嚴正亦約略可想
見矣享壽八十二元配譚氏久故內行懿美不待詳舉丈夫子
二曰人寧人字繼娶周氏有壺德撫前兒一如己出鍾愛孫男
外出讀書應試必加脯資體恤今壽逾八表余嘗贊其德容亦
舉丈夫子二曰人宰人實孫八人曾孫七人昭哉嗣服繩其祖
武正寢昌寢熾睽綿椒衍之兆也余因夙契煌敘行略來請不
自揣鄙陋而爲之傳

崑

嘉慶五年歲次庚申菊月吉日

崑進士丹崖吳國墀拜撰



盧公愷二百九十七府君安人陳氏合傳

公諱啓美字德充春之母姨夫也幼而穎異習舉子業遇童試輒奪纛起舞桑梓咸以大器望之已而家政旁午乃束書度閣間爲人磊落多才能篤孝友居鄉黨坦然不作鱗甲間遇不平事爲之多方排解而人亦靡不懽服平時經理產業妙得陶朱公遺意是以先世所遺產僅中人而公則沃壤連阡居僅容膝而公則奐輪著美矣抑且宜孟之殮可遺范公之麥可贈如閩有姓吳者羈居南溪籍其貲爲生理公頻年予之至積負數百金而不求償人咸推爲長者且樂與四方士君子遊有至其家卽出斗酒相懽劇談竟日勿厭也時有烏傷朱姓諱紹壁字連

最厚先生癸卯

會試

時年八十有七矣南旋後親造其廬備敘昔日綢繆

以見公為快也其契誼之繫人不忘有如此尤雅好

讀書自公置經史後恒以之訓迪後嗣灑也乎有雅頌之音則

文明之啓不又賴有公乎娶於陳即春之母姨也秉性淑慎敬

舅姑和妯娌訓兒曹種也法而尤善於治家凡公有創舉皆

賴其內助之力今年且八十有餘矣含飴弄孫遐邇稱賢母舉

二男長曰人燻次曰人炳女一適紫溪邵利耀昔丙子年間人


燻與院試房師賞其文呈於文宗文宗以呈薦稍遲草榜已定

不欲更改因而見遺人皆為扼腕他日以耆儒飲於庠得寵膺

冠帶朝服以彰國典人炳甲辰科竇學憲奉命校士金郡遂

卜弟子員越壬子復膺明經之選孫男四人長孫文林篤於學

時已飛聲藝苑次孫文梓文杞皆勤儉務本克繩祖父幼孫文



槐年弱冠遊邑庠蓋將投九萬而遙矣曾孫五人皆聳壑昂霄
元孫二人俱幼然已嶄然見頭角異時之高大門閭者卽於是
在非甚盛德曷克致此語云修之於身其德昌修之於鄉其德
長者非公謂乎春不文不克表揚懿美聊謹述一二俟家史重
訂日以付劄劄氏云

告


乾隆歲次旃蒙單闕律中黃鐘之吉

欽授歲進士候選儒學訓導亡酉

恩科

欽賜鄉舉

外甥泗溪樓象春頓首拜撰



外父錦溪盧翁傳

愷三百十六


外父錦溪盧翁諱啓佳者字作仁號特峯世籍永康宋南渡始
遷東陽蓋娶趙氏諱光灝者之孫娶許氏諱大楫者之子也諱
大楫者爲人跌宕豪邁偉器幹日席飲市肆而不棄家故妻子
皆怡然自得外父器幹過諱大楫者而謹心質行獨馴狎恭讓
遇不賴子弟名稱貸實奪有之也曰我固非受人無禮者尋復
悔之曰彼旣無禮我安得獨以禮迎距卽予之而家轉由之起
或見外父家歲豐月穰日有滋長也曰是必天窖地藏默有詒
之者不然何勃興乃爾而外父竊自危其力之有不及虞其智
之有不周歸圖返謀歛知攝檢遂以積憂粹諸無尤尋以飭志
乃梁洪渚溪社東殿山爲其里祈報水旱疾疫于是
調稼登于是乎賽焉蓋外父之能爲所當爲由外父


所不當爲也。惟不爲所不當爲，故既充蔬糲，奚藉芻
不焉資文錦，惟能無侈乎溫飽，而後可與論天下之
饑寒也。以是能爲所當爲，欲予人甘則苦我心，欲予人安則勞
我形，所固然也。外父年踰四十，遂瞽不視事，子弟跡寢門，問視
必告之曰：作人難，卽姻眷至亦必告曰：作人難。或起請所難處，
外父曰：難無定處，惟無處不難。故一言以斷之曰：作人難。卒年
七十六，德配李氏，舉三丈夫，子人泰、人嶽、人岐，皆有立噫天下
之患，莫大於不足防，以爲不足防而矜己，斯傲物，腴身斯斲人。
外父非浴有詩書之澤，師友之迪也。日殫厥精，以勿豐自內，而
歲食福於外。曰：作人難，維審其難，斯萃以易也。外父偕其弟合
爨，垂白猶歛相伯仲，其天性之敦，有懇然者。孝事順父，人方以
爲足有餘愛敬，無不及情也。是爲傳。

峇

嘉慶五年孟夏之吉

婿男華占魁頓首百拜謹識





飲賓茂亭翁行傳

愷三百十九

才者德之用在。上經邦國濟蒼生功勳。勅旂常在下。振流俗。充宗風。扶危定傾。惠及鄉閭。此皆才之所施。人有才而無德。以植其基。固不免浮薄。有德而無才。以運之。則迂踈寡效。終非有濟之士。因不禁。畢然于錦溪鄉祭酒盧茂亭翁矣。翁諱啓。毓字周瑞。茂亭其號也。係有明旌義閭齋公十世孫。爲人慷慨豁達。饒有祖風。厥考春園公崛起成家。翁志不在小。未弱冠卽能佐考。恢擴門墻。與伯叔季析爨。交推互讓。無間言。後家業富有。慨身不業。儒縱多蓄積。無以迪前光。特延師儒。課膝下。稍長卽令就外傳。切期遠到。不惜重費。居家尙嚴肅。處鄉黨崇正。嫉邪詞氣

噉然人望而畏之。好尙義舉。初旌義祠。西廡湫隘。翁

建廳配之。捨重貲以爲人倡。遂以成厥功。處事有斷

以依違遇無端雀角紛匕聚論而不能釋者翁以片言
羽服此不特其才之敏亦以忠信之孚于人者素也

一時擬爲季布之倫仰之若山斗而其心最慈祥憐貧恤苦絕
無世俗爰涼之態姻戚窮困者尤禮貌之賑給倍常有緩急乞
假或寒士稱貸必濟之無倦意跡其生平崇儒重道排難解紛
無非本德生才由才運德剛明雄偉洵一方翹楚也宜其望重
鄉邦而膺寵錫于


皇朝矣至若新堂構闢菑畚世俗多艷之要非翁之所難不必以是
爲翁重也淑配陳太君來自名門通內則四德兼備壽屆八旬
同邑翰林檢討清溪徐先生撰文率多士登堂佑觴亦足徵翁
之餘輝矣舉丈夫子三長人珍聲蜚邑庠次人瑚繼武賓筵幼
人璉名登國學孫十有二曾孫四橫經負耒爭自濯磨茲因族


修家乘特書其行誼以垂示後人俾知夫寢昌寢熾孫子發祥
而克光閭里者其來有自

昔

嘉慶五年歲次庚申桂月穀旦

姪婿鶴巖邑增生王百源頓首拜撰





啓竣公傳

愷三百三十三

歲庚寅錦溪盧氏適修宗譜姻親翁錦晝之堂兄文樑翁再三
請爲其祖啓竣翁傳其言曰樑大父生於康熙戊戌十二月初
五卒於乾隆庚戌八月廿五享年七十有三沒世時樑甫七歲
耳逮長吾父與伯叔嘗以大父行事誨樑等謂居恒循匕謹厚
忠信孚閭里年越古稀從無名氏列訟庭方九齡曾大父大佑
公逝世越三載曾大母應又逝無兄姊朝夕弗繼零丁孤苦自
計備於外至三十六歲頗有積廼娶大母石氏種田數畝負戴
勞瘁稍置產育樑府君昆季三長伯人悅伯母義邑蓮塘任氏
生文桂文栢文桐文相次樑府君人祥鄉祭酒母氏石生樑及
人槐幼叔人惠叔母周生文松曾孫六頭角亦頗崢
大父越今計代者四雖未能光大門閭而謹守農愚

風者要皆恃家訓以垂裕也再憶六父有內弟老無
歸獨貧病延家調劑善飲食十餘年以卒衣衾棺槨
均從厚并囑墓祭之樑所聞于吾父與伯叔之諄也者如是竊
懼世遠年湮不復記憶謹以熟聞於先人者丐一言以爲傳令
後代讀書孫子披覽家乘以識先世之美余聞之不禁慨然曰
如翁言不誠爲鄉閭中所不易得者哉孤而貧苦矣辛勤立業
確守本分難矣晚娶而子孫振也肯播肯穫以重新堂構有以
光於前而裕於後矣至於膳養內弟十餘年喪葬如禮且囑墓
祭永厥祀在富厚者尙難之而公之敦義又何如也因不揣鄙
陋而爲之書其梗概如此

昔

道光庚寅仲秋月

眷再姪小洲杜學江頓首拜撰

錦溪足先壽翁傳 愷三百七十

象山杜蓬洲夫子令受業師也其世叔小洲先生館於錦溪之
崇福院庚寅春余復將北上鍾門辭別小洲合親翁盧午峯歛
余盛饌適修宗譜以從叔祖足先壽翁行傳請翁諱啓有足先
其字和二百六十七公承祧子也娶獅山杜氏續泮田吳氏則
翁固小洲家眷亦予族姻享年八十有五 恩榮冠帶洵

熙朝人瑞哉吾猶羨其才德有邁衆者翁父子立翁身獨承善和宗
睦族居心厚處世真訓飭子孫又嚴而厲故一門之內常相安
無事至里鄰有美舉則無不誘掖獎勸以成之鄉黨有口角無
不安排妥帖以息之甚或愚夫愚婦有非禮非義之行無不婉

勸諭之正言善惡以斥止之偉哉才德若翁殆鄉閭
百哉翁自小入家塾天資銳敏一指輒悟素性尤嗜

口內慣習三易嫺數學暨弱冠誦王融

以龔遂登循吏之傳買犢買牛輒爲轉念

烟蓑肆志犁雲鋤月然而釋羊跪乳孝也老牛舐犢

在原悌也何一不足啓迪後生者時或抱甕於橘田薑稜則

之以勤時或攜壺於松軒竹舍則示之以禮再或破人煩惱城

引人歡喜地則犀枰玉子爲橘中之戲鶴頭鴉嘴掘松下之苔

耒耜之中仍是讀書種子戲遊之所無非訓世箴銘翁真歛大


才以養厚德所謂仁者壽哉翁生康熙壬寅二月初十日卒嘉

慶丙寅十一月廿四日兩配列前生男大人端人竝人作人值

人佇人行女一適泮田孫枝之盛現今二十餘人謝氏芝蘭何

多讓焉名不俱贅休哉惟天眷德憐才必將振匕繩匕大有超

倫軼類造翁門楣者徵福報之不爽而不第厚翁上壽已夫予



因言念同族姻親且重以小洲世誼同親翁盧午峯之請不敢
以固陋辭略托毛穎子傳

峯

道光庚寅春仲


庚辰進士

欽點內閣中書壬午科順天鄉試與考官

眷弟液池吳光鎬撰

A large rectangular area with vertical ruling lines, typical of a ledger or account book page. The page contains ten vertical columns of varying widths. The columns are empty, suggesting the page is blank or the text is illegible due to fading or damage.

127



錦溪盧俊士翁行傳

愷三百八十二

吾人勉強爲善唯務後人可繼故以其善之所當爲者修之于
亡而以其成功之難自必者聽之于天如錦溪盧氏俊士翁者
是也翁諱啓千俊士其字係明正統年間勅旌義民闡齋公之
十一世孫和二百廿七公之季嗣也有兩兄仲兄諱啓聯出繼
翁之父度量恢宏視金如土世業每不甚充裕翁乃隨伯兄諱
啓皆者服先疇肯播肯穫漸致豐盈居近市暇則傍父守一廛
糴賤販貴收倍稱之息乃父年近古稀翁年方壯定省婉愉依
依如孺慕以是頤養天和父之壽得踰渭望恭厥兄出作入息
必面告中年析爨後亦晨夕聚首相問訊不啻同室然娶同都

八型于式化恪守中饋不聞有嘻噉聲且順事舅姑

儉宜家族中共稱爲閨中良佐舉丈夫子二長廷


命業儒雖白衣澣濯制節謹度而延師接款情文
卜就傳交友赴郡邑之試亦必使冠裳整飭給於取
用不至貽饑羞澁也乃其後長子潛心默誦鬢序蜚聲幼子亦
文章英邁迥出流輩凡翁之善修於家者約略如此至於好行
其德有義舉數端載人口碑者宅東龍山廟隕圯獨捐數十金
庀材建豎北山峴竹坑流出獅麓一條澗水爲台紹葵衢孔道
一遇洪漲欲渡無梁行人嘆裹足翁乃慨然僱人高砌石堦平
鋪板橋幾費百金俾往來過者無憂病涉垂四十餘年近今乃
爲洪水衝沒此其善之著及於人者又彰明較著也今老矣與
張安人齊眉偕老孫又生孫名俱載在譜系不必贅顧其風神
矍鑠猶能荷耒耨越陌度阡引人課晴雨話桑麻入則於市廛
閑曠處偕三四老叟縱談古今軼事爲嬉笑之資一切亡物悲

喜不概于其心謂非逍遙自得彷彿羲皇以上人與窮則獨善者其卽以是爲繩武也可


峇

大清嘉慶五年仲秋下浣穀旦

歲進士南岑丹崖吳國墀敬撰



卷之六



鏡亭翁行傳

愷四百十八

翁諱啓振字聖範號鏡亭行愷四百十八係和二百四十三春
園公之三子其爲人剛方磊落遇事敢言不稍阿徇臨義舉慷
慨向前爲衆倡子姪輩或歉禮貌違少長之節輒正色相規其
氣宇儼似秋霜高嶽凜然難犯者嗟乎隨波逐流與俗浮沉所
遇類然得翁之剛正駿厲不可掃陋習振頽風以昭直道乎宜
都人士推薦邑侯徐公舉爲鄉祭酒而望隆月旦矣翁幼遵父
訓勤子職無敢少忤洎親終塋致哀後順養母氏壽臻大耋染
足疾不便起居時翁已年近六秩依匕孺慕晨夕間扶持抑搔
必躬必親每和顏笑語以博耄母歡甚得老萊子斑絲娛親之

昆一季雖分爨恒怡匕萃聚無間言而其教家也義

肅詞嚴長幼內外笑語莫敢聲張性尤好讀書自悔


同昆季延師誅子產業較嗇而款接西賓禮意極周
其家而沮之者翁卽曰有子不教何以爲父家計不
足論也向師諄乚懇乚請加嚴督每自造館監勤惰凡儒士往
來交際禮儀靡不爲子黽勉支給師歸卽設案課子不令少閑
締文社翁必爲倡其責望之切何如也且也欲爲子姪綿書香
與昆季創議置常田數十畝以立縣府試歲科試鄉試給費之
約俾後嗣有志進取者皆得沐祖澤不艱於資斧其振興斯文
作人無斲之心又何長慮而深思若此歟元配吳氏克嫻婦道
生二子人忠人志吳氏染疴遽逝繼娶虞氏性淑慎生四子人
恩人懋人愈人恕尤能相夫子端飭母儀人懋字德建受業吾
門早登郡庠族今舉爲總董幼人恕字本忠亦登邑庠其務學
勵志鵬程拭目可俟也余以知翁之志量遠越者其發祥亦必

綿遠無窮矣今者修輯宗譜將竣人懋借幼弟人怒持乃父行
狀丐傳於余翁於余爲東道主稔識其素履謹陳梗概而特爲
之傳

崑

嘉慶五年歲次庚申菊月上澣之吉

歲進士丹崖吳國墀拜撰



飲賓凌雲翁行傳

愷四百六十一

鄉祭酒盧翁諱啓賢者字南儒號凌雲世居錦溪里春園公之
季子源之外父也生而岐嶷稍長就外傅師友器重之事親最
得歡心父沒後昆仲析爨遂棄舉業母氏年逾八旬事之尤謹
恭厥兄不敢忽少長序諸昆亦愛之最深秉性溫厚和平不露
圭角立品端方言行極謹慎嘗述馬伏波誠兄子書效龍伯高
爲謹飭士足矣故往來居游非其人莫與生平好讀書崇儒重
道與伯仲延師訓子忠而且敬始終不衰親朋子弟有嗜學而
貧者賑給之愛慕之深不啻如口出居家至勤夙夜操作不怠
家日益饒而宮室服物一以樸素儉約爲尙遇婚賓祭祀則無
語人曰欲人勤毋自逸欲人儉毋自侈又曰勤儉所
倘概吝惜幾不知成家之何爲矣嗟乎持身涉世人亡

明至難言也非具明通之識而心有鑪錘者不克善其
自言其理至於任情自便日恣逸樂與浮競相角逐惟
所欲爲視金如泥沙一旦臨正事接正人反瑣也戔也慳不肯
舍與人刻核求備不少恕此于人道何如而施也自得不思其
反聞翁之風亦可以少媿矣且翁之治家也詞氣嚴肅內外凜
然時以安分守己出納寬厚爲庭訓對子姪婉轉誥誡和中有
厲鄉黨宗族間訥也如不能出而胸中涇渭劃然喜聯賓友笑
言歎洽絕無拘滯態此非所謂剛柔互用令人可親而不可狎
者歟歲己酉以疾終享年五十有八德配王氏卽姑也克兼四
德相夫育子勤勞不衰子三長人黼太學生次人黻太學生幼
人黼太學生女二長適百源幼適郡庠華際春孫男八人皆天
資明敏幼而好學翁之垂裕後昆者寧可量也乎

肯

嘉慶五年歲次庚申桂月穀旦

婿男鶴巖邑增生王百源頓首拜撰



卷之六

三
咸豐庚申年重修

卷之四



魁亭盧公行傳

愷五百廿一

公諱啓梅字占春別號魁亭族居昇蘇鄉之錦溪里世以儒宗
顯積德尙義至南山公兄弟三人諸子姪濟匕芹香桂馥繼美
勿替逮公父大璠家漸落猶延師家塾不輟公昆季四人恂匕
若良友有勞瘁必先之承家政稟命尤謹乃翁得以告倦勤旣
歿凡先世常積經出入慎管鑰充其業者無算族居濱溪源自
楊溪坑懸出斧斤入山不時草木漸零落雨驟河水奔騰田爲
之塞公乃修理種楊木俾根深盤結堤藉以固嘗曰懶耕耘而
祝篝車痴也勿儉約而嘆窮乏愚也農人稼穡艱難春不得避
風塵夏不得避暑熱秋不得避陰雨冬不得避寒凍四時間無

自奔滅裂之報非天也人也逾強仕兄弟相繼歿視藐

匕告誠恒以音

以正其老而矢志樹

籬下一念生

嘒嘒不息也年逾古

若姪無時已公生於乾隆庚申年七月初九日卒
於嘉慶辛未年四月廿八日享壽七十有二配王氏慎相夫
不踰內則丈夫子三長人立次人勇幼人芳女子三長適謝熊
士次適潘幼適樓孫男四人孫女四人曾孫一人崢嶸頭角皆
遠到器嗚呼盧氏先世其美矣繼緒有人知發之必茂也余嘗
課讀里中同學人宇爲道其詳因以知公者爲之傳

崑

道光庚寅年八月吉旦

廩膳生眷弟文星韋拱辰撰

靄亭翁行傳


愷五百四十六

盧翁靄亭者世居錦溪諱啓瑞字兆餘靄亭其號也明嘉靖中
應天鄉榜盧如菴公之再從孫和三百五十九府君諱大富公
配李氏者之令嗣也兄弟二翁居長厥考不階尺土積寸累銖
岨創基業翁自幼老成手胼足胝不辭勞瘁助父成家出入舉
動一以父命自遵考妣逝喪葬盡禮兄弟極相友愛同心戮力
家業日饒越十餘年食指繁分爨肥磽多寡互相推讓常怡也
萃聚若同居然其持己也朴素不事華侈其處世也謙和不設
城府歲時伏臘笑言欵洽卽遇後生小子必禮貌之絕不以尊
長自居常恨己不讀書延師課子彬也

有禮性不嗜酒聯賓友
允難者蓄積來自艱辛百鍊慨當義
隆間村旁捐

丹活
道路諸義

歲
庚申年重修



102

之私 稽安分守己暇則率其子

入處草茅服

鄉黨法若


翁者其服則農其行則士或豐或儉各適其宜斯亦所謂一鄉之善士歟學師李公高其誼請赴賓筵受寵錫于

皇朝壽臻七十餘而終歟配樓太君德性貞淑孝翁姑和妯娌相夫治家深得大體訓子慈而嚴恒以親賢遠佞相勗遇仁厚長者諄也懇相規誨待姻戚薄來而厚往而于貧困者尤加撫恤時稱為女中丈夫壽七十五歲卒舉三子二女長子八升次人壽幼人位即余次孫之泰岳也名登國學尊禮師儒義方訓子至排難解紛其才識亦有過人者今子各有孫也又生子曾元濟也莫不橫經負耒爭自濯磨將見寢昌寢熾丕顯門楣翁之食報正未有艾也余誼關至戚因不揣謏陋而略敘其梗概

峇

道光十年歲次庚寅秋月

鶴巖邑增生眷弟王百源頓首拜撰



貢生輔齋壽翁傳

愷五百九十九

翁諱啓忠字承聘輔齋其號者鄉祭酒陶村公子也初陶村公娶於杜生二女無子繼以虞廼生翁翁生三歲卽背杜母與厥考嘗恨不逮奉養際露霜致祭淚數行下事生母虞依匕孺慕以孝聞性靈敏讀書有穎悟當齠齡喜揮霍視金如芥不屑匕治家人產繼閱陶公運甓晏子披裘事遂翻然故圖節日用寶稼穡督畚丁藝植日昃不遑家蒸匕起然積而能散如作楫以濟巨川淪茗以澆肺渴種匕義舉均捨田而襄歛成焉歲壬子丁虞母艱以未得秀穴躡屩擔簋裹餼遠覓忽與石某晤告以故石曰余有地在龜山下水抱砂環僉云可穴盍主祀之翁往

石某也且不交直卜葬持日

以者莫不咄匕

德於石蓋石


庚申年重修

坤身系云 禮七 惟仁者

之謂歟生平

息其事石乃

不妄交七輒固族有卓齋先生者經明行 士也 長與之契
 會館諸家課子若孫後主教席於鄰塾每塾歸必邀至家促膝
 談心挑燈話舊至老不少衰晚年與鄉黨處亦抑七自下不敢
 賢知先人第與奢情者晤輒義形於色戒飭維嚴多有感其言
 而化情為勤易奢為儉者噫如翁者誠鄉黨中不可少之人矣
 年七十九虎觀策名摩娑石鼓僉以精神矍鑠壽券期頤奈擬
 姜公垂釣之年雖逾八載而較伏子傳經之日尚少二年飄然
 長逝惜哉元配許氏四德兼優舉丈夫子四女一遽返瑤池續
 娶徐氏撫許氏所出子若女其恩勤有過於許氏者今猶嘖嘖
 人口焉長子人雅次人誰俱先翁逝曾佐父以闢菑畚三人崇



幼八完俱太學生肯纘父以新堂構女適名門孫六人曾孫十
六人元孫現十八人由俊秀入成均者有之補博士弟子員者
有之勅授修職郎登仕郎者有之賡七濟七爭自濯磨不惟孝
翁於生前且克孝翁於身後特建別廟以妥神靈而隆祀事翁
有不羈然含笑於九京也耶是爲傳

皆

咸豐七年歲次丁巳秋九月中澣之吉

辛巳恩科舉人眷再姪程以潤拜撰



飲賓升菴公行傳

愷六百廿九

公諱啓龍字盛發行愷六百廿九升菴其號鄉祭酒和三百五
十九大富公幼子也敦孝友祇父恭兄人無間言居家嚴重有
威笑言不苟訓子姪以我方寧嗃也無嘻也舉家怵之若神明
處世以誠正服物言如其心行如其言柔不茹剛不吐德秉端
方才堪排解里黨有紛爭得公一言剖釋之事輒息蓋有取信
於預者自奉崇儉約而赴義則急而勿慳凡諸葺祠宇治道塗
整橋梁以洎戚屬有急者莫不慷慨以施之以故遠邇重其人
而亦多懷其惠焉尤有難者樸素家酷嗜書香雖一子決意教
以詩書嘗言曰天下惟讀書最佳食侈飯一丁不識曷貴焉

課書率先罔怠見歎子

仁列膠庠素懷

仁報

罕有覲面游

庚申年重修

平江學府李謝開公上各五嘉

四

養六和嘉慶

贈以額曰熙

朝成憲謂非碩德有光歟元配王氏柔順
克勤允稱賢淑繼娶韋氏宜家宜室亦播賢聲子一諱人廉庠
各殿鰲元配所出也秉性剛方慷慨綽有父風孫二元孫三輝
聯棣萼競稱二難庭毓芝蘭已開三秀後日之爾熾爾昌家聲
丕振有預可為公卜者茲當輯譜從叔廉來囑紀公行於余不
獲辭因述其大略而請直所軼以登

昔

道光庚寅年仲夏穀旦

從姪孫文暉拜撰

鄉祭酒煥文公行傳

禮六百四十六

且世之炫耀一時者多於功名中得之而其垂示後人者當於行誼間求之德曰庸德行曰庸行書之青史與登諸家乘一也伏維我錦溪盧氏親翁大人禮六百四十六名啓章字煥文蓋謹厚人也年逾弱冠遽失怙恃哀敬交至人無間言於喪葬諸大節已卓匕可傳若乃其處己也勤儉外無他技能爲子弟不爲遨遊華放事爲老成不爲竒異絕俗行其接物也寬厚中兼有節制無枉己以徇人不拂人以從己故歲時伏臘間有賽會祈神之舉鄉黨中無不推公爲領袖公亦不惜費力而慨然任之終其身無爭端亦無訟累易曰直其止也方其人也直內而

不列也公其志乎近焉

尹師臺教諭李

爲上賓延之

重也翁享壽七十有五

能自樹立者

現年七十有九皤匕白髮老而猶績子也淑配陳氏安農業本行克

端一女適名門夫且蒸荃並茂藹匕盈庭其鍾毓正未有艾耳

曙叨列葭葦稍知巔末因不辭謏陋而為之傳云

崑

道光十年歲次庚寅季秋月

眷姻姪廩膳生杜光曙頓首拜撰

清源公行傳

愷六百七十

公諱啓川字清源和六百四公之子也以族修家乘吾友文江
兄係公之從姪爲之述其巔末而請傳于予曰公世以敦厚稱
父諱大珠規行矩步持重寡言雖閤室不欺者艱於嗣舉公一
子亦無姑息心必以義方訓而公性樸誠克肖其德甫毀齒卽
不喜竹馬鳩車之戲比長益知自持未弱冠早肩家任克勤克
儉雖老成不啻也其事親也觴酒豆肉有餘慕焉其喪親也擗
踊哭泣有餘哀焉其于鄉黨朋友也緩急有無必周恤焉外祖
虞家最窘公延外祖母至家九年奉養之一如其母也舅二生
則賑濟之死則殯殮之又堂母舅貧無以爲家公之數年如

安於心而去也

其馬於親誼

大節之重

知體要也又止享年

夫子三亦皆無浮薄氣現孫有五俱頭

之光大門

閻未可量也予曰如君所述既詳且悉可即莊周

之曰其為人也真何必妄摭蕪詞以贅之哉夫家之有乘猶國

之有史也史貴直筆所以垂法戒也乘貴實錄所以昭世守也

吾見夫世之盜蹠其行而夸齊其傳者是以欺後人而實所

以誣先人也即傳之者不顧其所安其與反唇之稽奚以

異而予何敢焉請即君之所述而結之以為公之實錄也可


昔

道光庚寅年荷月之吉

眷姪邑庠生棣庭華 鄂拜撰

梨金川

亦序文



盧兆祥公傳

愷七百五

公諱啓呈字兆祥和六百廿一諱大琴公之長嗣也其先世居錦溪後卜築於虞店遂家焉數傳至大琴公崇儉戒奢幹家有道遂大啓爾宇家聲爲之丕振生公昆季二公居長性孝友事親有愉色喪親有餘哀暨與弟分爨絕不較贏計絀致傷墮篋之雅未幾弟棄世舉一子纔總角耳公撫孤姪出入顧復不啻亡子待孀婦綢繆體恤以一身任兩家之政不辭况瘁至其處鄉黨中排難解紛無不委曲調護之鄉黨莫不服其公且明者蓋公之爲人無機心故無機事不矜已亦不傲物亦所謂不雕不琢以還其天者歟尤竒者公宅近溪潭庭月有光浮水面莫

不聞諸官時有外逸之

斤無由

此忠

里修

與予宿以熟入且予意其

諸官曰此予

足溺於是潭焉官初不之信巧曰其髮辨三接有可辨者驗之
果然而公得脫然無累夫公何德於乞人豈非公之生平行誼
有以感之而鬼神默遣之者歟公享年七旬餘德配吳氏舉文
夫子三長人興次人壽卽予婿幼人德亦皆克遵公訓現孫文
燕文章文理文炳異日之繼也繩也其未有艾也是為傳

告

道光十年歲次庚寅秋月穀旦

姻弟勉齋華嘉燦敬識

